

20

共二十本

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
OCT 6 1953

T 5757/0421 D

封  
神  
演  
義

二十  
止

第九十六回

子牙發東擒妲己

詩曰

從來巧笑號傾城。

狐媚君王浪用情。

嬈娜腰肢催命劍。

輕盈體態引魂兵。

雉雞有意能歌月。

玉石無心解鼓聲。

斷送殷湯成個事。

依然都帶血痕薨。

話說武王是仁德之君。一時那裡想起鼓進金止之意。只見衆將聽的鼓响。各要爭先。鎗刀劍戟。鞭銅抓鎚。鈎鎌鉞斧。拐子流星。一齊上前。將紂王裹在垓心。魯仁傑對雷鯤雷鵬曰。王憂臣辱。吾等正於此時。盡忠報國。捨一死以決。



雌雄豈得令反臣揚威逞武哉。雷鯤曰：見言是也。吾等當捨死以報先帝。三將縱馬殺進重圍，怎見得紂王大戰天下諸侯有讚爲證。

讚曰：

殺氣迷空鎖地，烟塵障嶺漫山。擺列諸侯八百，一時地覆天翻。花腔鼓插如雷震，御林軍展動旗幡。衆門人猶如猛虎，殷紂王漸漸催殘。這也是天下遭逢殺運，午門外撼動天關。衆諸侯各分方位，滿空中劍戟如攢。東伯侯姜文煥施威仗勇，南伯侯鄂順抖擻如魁。北伯侯崇應鸞橫施雪刃，武王下南宮適。以猛虎爭食，正東上青

旛下衆諸侯猶如醜染。正西上白旛下曉言將，恍如岩正南上紅旛下衆門徒，渾如火塊。正北上皂旗，門將恰似烏漫。這紂王神威天縱，魯仁傑一點心丹。雷鯤右遮左架，雷鵬左護右攔。衆諸侯齊動手，那分上下。殷紂王共三員將，前後胡戡頂上砍。這兵器似颼颼水塊，脇下刺那剗劍如鱗龍齊翻。只聽得叮叮噹噹响，乒乒兵兵循還鞭來打，錙來敲斧來劈，劍來剗。左左右右吸人魂，勾開鞭撥去鋼，逼去斧架開劍。上上下下心驚顛，正似那紂王力如三春茂草，越戰越有精神。衆諸侯怒發，恍似轟雷喊殺聲，聞斗柄。紂王初時節精神足。

備次後來氣力難撐。爲社稷何必貪生。好功名焉能惜命。存亡只在今朝。死生就此目下。殷紂王畢竟勇猛。衆諸侯終欠調停。喝聲着將官落馬。叫聲中翻下鞍韉。紂王刀擺似飛龍。砍將傷軍如雪月。劈諸侯如童兒戲。斬大將鬼哭神驚。當此時惱了哪吒。殿下那楊戩怒氣冲冲。大喝道。紂王不要逃走。等我來與你見個雌雄。可憐見驚天動地。哭聲悲嘯。山泣嶺三軍。泪英雄爲國盡亡。軀血水滔滔。紅滿地。馬撞人死口難開。將劈三軍無躲避。只殺的哀聲小校。亂奔馳。破鼓折鎗都拋棄。多少良才帶血回。無數軍兵拖傷去。紂王膽戰將心驚。雷鯤雷

鵬無主意。這是君王無道。喪家邦。謀臣任用千條計。這一陣只殺得雪消春水。世無雙。風捲殘紅鋪滿地。話說紂王被衆諸侯圍在垓心。全然不懼。使發了手中刀。一聲响。將南伯侯一刀揮下馬。下魯仁傑鎗挑林善。惱了哪吒。登開風火輪。大喝道。不得猖獗。吾來也。傍有楊戩雷震子。韋護金木二吒。一齊大叫曰。今日大會天下諸侯。難道我等不如他們。齊殺至重圍。楊戩刀劈了雷鯤。哪吒祭起乾坤圈。把魯仁傑打下鞍韉。喪了性命。雷震子一棍結果。雷鵬東伯侯姜文煥。見哪吒衆人立功。將刀放下。取鞭在手。照紂王打來。紂王及至看時。鞭已來得太急。閃不及。

早已打中後背。幾乎落馬。逃回午門。衆諸侯吶一聲喊。齊追至午門。只見午門緊閉。衆諸侯方圍子牙。鳴金收兵。墜帳坐下。衆諸侯來見子牙。子牙查點大小將官。損了二十六員。又見南伯侯鄂順被紂王所害。姜文煥等着實傷悼。武王對衆諸侯曰。今日這場惡戰。大失君臣名分。姜君侯又傷主上一鞭。使孤心下甚是不忍。姜文煥曰。大王言之差矣。紂王殘虐人神共怒。使殺之于市。曹猶不足以盡其辜。大王又何必爲彼惜哉。話說紂王被姜文煥一鞭打傷後背。敗回午門。至九間殿坐下。低首不言。自己沉吟嘆曰。悔不聽忠諫之言。果有今日之辱。可惜魯仁傑雷鯤兄弟。

皆遭此難。倘有中大夫飛廉惡來奏曰。今陛下神威天縱。雖與千萬人之中。猶能刀劈數名反臣。只是悞被姜文煥鞭傷陛下龍體。只須保養數日。再來會戰。必定勝其反叛也。古云。吉人天相。勝負乃兵家之常。陛下又何須過慮。紂王曰。忠良已盡。文武蕭條。朕已着傷。何能再舉。又有何顏與彼爭衡哉。隨卸甲冑入內宮。不表。且說飛廉謂惡來曰。兵困午門。內無應兵。外無救援。眼見且夕必休。吾輩何以居之。倘或兵進皇城。荆山失火。玉石俱焚。可惜百萬家資。竟被他人所有。惡來笑曰。長見此語。竟不知時務。凡爲丈夫者。當見機而作。眼見紂王做不得事。節退不得天下。諸

侯亡在旦夕。我和你乘機棄紂歸周。原不失了自已富貴。况武王仁德。姜子牙英明。他見我等歸周。必不加罪。如此方是上着飛廉曰。賢弟此言。使我如夢中喚醒。只是還有一件。以我愚意。俟他攻破皇城之日。我和你入內庭。將傳國符璽。盜出藏隱于家。待諸侯議定。吾想繼湯者必周。等武王入內庭。吾等方去朝見。獻此國璽玉符。武王必定以我們係忠心爲國。欣然不疑。必加以爵祿。此不是一舉兩得。惡來又曰。卽後世必以我等爲知機。而不失良禽擇木。賢臣擇主之智。一人言罷。大笑自謂得計。正是

痴心妄想居周室。

斬首周岐謝將臺。

話說飛廉與惡來共議棄紂歸周。不表。且說紂王入內宮。有妲己胡喜妹王貴人三個前來接駕。紂王一見三人。不覺心頭酸楚。語言悲咽。對妲己曰。朕每以姬發姜尚小視。不會着心料理。豈知彼糾合天下諸侯會兵于此。今日朕親與姜尚會兵。勢孤莫敵。雖然斬了他數員反臣。到被姜文煥這厮鞭傷後背。致魯仁傑陣亡。雷鯤兒夢死節。朕靜坐自思。料此不能久守。亡在旦夕。想成湯傳位二十八世。今一旦有失。朕將何面目見先帝於在天也。朕已追悔無及。只三位美人與朕共處。一旦分離。朕心不忍。爲之奈何。倘武王兵入內庭。朕豈肯爲彼所擄。朕當先期自盡。但朕

絕之後。卿等必歸姬發。只朕與卿等一番恩愛。竟如此結局。言之痛心。道罷。泪如雨下。三妖聞紂王之言。齊齊跪下。泣對紂王曰。妾等蒙陛下眷愛。鏤心刻骨。投世難忘。今不幸遭此離亂。陛下欲捨妾身。何往。紂王泣曰。朕恐被姜尚所擄。有辱我萬乘之尊。朕今別你三人。自有去向。妲己俯伏紂王膝上。泣曰。妾聽陛下之言。心如刀割。陛下何遽忍捨妾等。而他往耶。隨扯住紂王袍服。泪流滿面。柔聲嬌語。哭在一處。甚難割捨。紂王亦無可奈何。遂命左右治酒。與三美人共飲。作別。紂王把盞作詩一首。歌之以勸酒。

詩曰

憶昔歡娛在鹿臺。孰知姜尚會兵來。  
分飛鸞鳳惟今日。再會鴛鴦已隔垓。  
烈士盡隨烟燄滅。賢臣方際運弘開。  
一杯別酒心如醉。醒後蒼桑變幾回。  
話說紂王作詩畢。遂連飲數杯。妲己又奉一盞。爲壽。紂王曰。此酒甚是難飲。真所謂不能下咽者也。妲己曰。陛下且省愁煩。妾身生長將門。昔日曾學刀馬。頗能廝殺。况妹妹喜妹。與王貴人善。知道術皆通戰法。陛下放心。今晚看妾等三人。一陣成功。解陛下之憂悶耳。紂王聞言大悅。若是御妻果能破賊。真百世之功。朕有何憂也。妲己又奉紂王

數盃。乃與喜妹王貴人。結束停當。議定今晚去劫周營。紂王見三人甲冑整齊。心中大喜。只看今晚成功。不表。且說子牙在營中籌筭。甲子屆期。紂王當滅。心中大喜。不會着意。就未曾提防。三妖來劫營。故此幾乎失利。只見將至二更。只聽得半空中風响。怎見得有賦爲証。賦曰：  
冷冷颼颼。驚人清况。颼颼蕭蕭。沙揚塵障。透壁穿窓。尋波逐浪。聚怪藏妖。與魔伏魘。也會去助虎張威。也會去從龍俯仰。起初時。都是些悠悠蕩蕩。浙零聲。久後來。却盡是滂滂湃湃。呼咄咄。且休言推殘月。裡娑羅。盡道是刮倒人間麓嶙。推開了積霧重雲。吹折了蘭橈。盡漿蒼

松翠竹。盡遭殃。朱閣丹樓。俱掃蕩。這一陣風。只吹得鬼哭與神驚。八百諸侯。俱膽喪。

話說妲己與胡喜妹等三人。俱全裝甲冑。甚是停當。妲己用雙刀。胡喜妹用兩口寶劍。王美人用一口綉鸞刀。俱乘桃花馬。發一響。殺入周營。各架妖風。播土揚塵。飛砂走石。冲進周營內來。只見周營中軍士。咫尺間。不分南北。那辨東西。守營小校。盡奔馳巡邏。將士皆束手。真個是層圍水柵。撞得東倒西歪。鉄騎連車。冲得七橫八豎。驚動了大小衆將。急報子牙。子牙忙起身。出帳觀看。只見一派妖風。怪霧。滾將進來。子牙忙傳令。命衆門人齊去。將妖怪獲來。



哪吒聽得急登風火輪搖火尖鎗楊戩縱馬使三尖刀雷  
震子使黃金棍韋護用降魔杵李靖搖方天戟金木二吒  
用四口寶劍齊殺出中軍帳來迎敵三妖只見三妖全身  
甲冑橫冲直撞左右斲殺楊戩大呼曰好業障不要猖獗  
敢來此自送死也哪吒登輪奮勇當先七位門人將三妖  
圍在垓心子牙在中軍用五雷正法鎮壓邪氣把手一放  
半空中一聲霹靂只震得三妖膽顛心寒三妖見來的勢  
頭不好俱是些道術之士料難取勝不敢戀戰借一陣怪  
風連人帶馬冲出周營往午門逃回三妖自二更入周營  
只至四更方纔逃回也傷了些士卒不表且說紂王在午

門外看三妃今夜劫營成功洗目以待忽見三妃來至紂  
王問曰三卿劫營勝負如何妲己曰姜子牙俱有准備故  
此不能成功幾乎被他衆門人困于垓心險不能見陛下  
也紂王聞言大驚低首不言進了午門上了大殿紂王不  
覺泪下曰不期天意喪吾莫可救解妲己亦泣曰妾身指  
望今日成功平定反臣而安社稷不料天心不順力不能  
支如之奈何紂王曰朕已知天意難回非人力可解從今  
與你三人一別各自投生免使彼此牽絆把袍袖一擺逕  
往摘星樓去了三妖也慰留不住後人有詩嘆之

詩曰

大厦將傾止一莖。

尚思劫寨破周兵。

孰知天意歸真主。

猶向三妖訴別情。

話說三妖見紂王自往摘星樓去了。妲己謂二妖曰。今日紂王此去。必尋自盡。只我等數年來。把成湯一個天下。送得乾乾淨淨。如今我們却往那裡去好。九頭雉鷄精曰。我等只好迷惑紂王。其他皆不聽也。此時無處可棲。不若還往軒轅墳去。依然自家巢穴。尚可安身。再爲之計。玉石琵琶精曰。姐姐之言甚善。三妖共議。還往舊巢。不表。且說子牙被三妖劫營。殺至營前。三妖逃遁。子牙收軍。陞帳坐下。衆諸侯上帳參謁。子牙曰。一時未曾防此妖孽。被他劫營。

幸得衆門人。俱是道術之士。不然幾爲所筭。失了銳氣。今若不早除。後必爲患。子牙言罷。命排香案。左右聞命。卽將香案施設停當。子牙禱畢。將金錢排下。乃大驚曰。原來如此。若再遲延。幾被三妖逃去。忙傳令。命楊戩領東帖。你去把九頭雉鷄精拿來。如走了。定按軍法。楊戩領令去了。子牙又令雷震子領東帖。你去把九尾狐狸精拿來。如若有失。定依軍法。又令韋護領東帖。你去將玉石琵琶精拿來。如違令。定按軍法。三個門人領令出了轅門。議曰。我三人去拿此三妖。不知從何處下手。那裡去尋他。楊戩道。三妖此時料紂王已不濟事了。必竟從宮中逃出。吾等借土遁。

站在空中等候看他從何處逃走。吾等務要小心擒獲。不得鹵莽。恐有疎虞。不便。雷震子曰。楊師兄言之有理。道罷。各架土遁。往空中等候。三妖來至。有詩讚之。

詩曰

一道光華隱法身。

脩成幻化合天真。

驅龍伏虎生來妙。

今日三妖怎脫神。

話說姐已與胡喜妹王貴人在宮中還吃了幾個宮人。方纔起身。一陣風响。三妖起在空中。往前要走。只見楊戩看見風响。隨與雷震子。韋護曰。孽怪來也。各要小心。楊戩掇寶劍大呼曰。怪物休走。吾來也。九頭雉鷄精見楊戩仗劍。

趕來。舉手中劍罵道。我們姊妹斷送了成湯天下。與你們的功名。你反來害我等。何無天理也。楊戩大怒曰。業畜休得多言。早早受縛。吾奉姜元帥將令。特來擒你。不要走。吃吾一劍。雉鷄精舉劍來迎。雷震子黃金棍打來。早有九尾狐狸精。雙刀架住。韋護降魔杵打來。玉石琵琶精用綉帶刀敵住。三妖與楊戩等三人戰未及三五回合。三妖架妖光逃走。楊戩與雷震子。韋護惟恐有失。緊緊趕來。怎見得有讚爲証。讚曰。

妖光蕩蕩。冷氣颼颼。妖光蕩蕩。旭日無光。冷氣颼颼。乾坤黑暗。黃河漠漠。怪塵飛。黑霧漫漫。妖氣慘。雉鷄精。狐

狸精琵琶精往前逃。似電光飛閃。雷震子與楊戩併韋護緊追隨。如驟雨狂風。三妖要命。恍如弩箭離弦。那顧東西南北。三聖爭功。恰似葉落隨風。震性起。追得狐狸有穴難尋。楊戩心恨。無路琵琶性巧欲騰挪。韋護英明驅壓。這也是三妖作過罪業多。故遇着三聖玄功能取命。

話說楊戩追趕九頭雉鷄精。往前多時。看看趕上。楊戩取出哮天犬。奈在空中。那犬乃仙犬。脩成靈性。見妖精舞爪張牙。趕上前一口將雉鷄頭咬。吊了一個。那妖精也顧不得疼痛。帶血逃。災楊戩見犬傷了他一頭。依舊走了心下。

着忙。急架土遁。緊追雷震子。趕狐狸。韋護追琵琶精。緊緊不捨。只見前面兩首黃旛。空中飄蕩。香烟靄靄。遍地氤氳。不知是誰來了。且聽下回分解。事紛紛。日夜迷。

總批

紂王雖然無道。還算個俠烈漢子。起先做了許多惡業。及至到壞事時。便爽爽利利。以死自待。決不沾泥帶水。若是小丈夫。便有無限婆子氣。不知作多少悲啼哭泣。

又批

成湯一個完完全全天下。被姐已送得乾乾淨淨。

及至紂王尋死彼更不曾有一些顧惜之意便去尋自己巢穴以為安身之計情殊可恨畢竟被子牙拿來身首異處正所謂天網恢恢疎而不漏今觀其妖怪似婦人者尚爾無怪乎婦人心最毒也

第九十七回

摘星樓紂王自焚

詩曰

紂王暴虐害黔黎

國事紛紛日夜迷

浪飲不知民血盡

荒淫那顧鬼神棲

薑益宮女真殘賊

焚炙忠良類虎親

報應昭昭須不爽

旗懸太白古今題

話說楊戩正趕雉雞精見前面黃旛隱隱蓋飄揚有數對女童分于左右當中一位娘娘跨青鸞而來乃是女媧娘娘駕至怎見得有詩為証

詩曰

一天瑞彩紫霞浮。

香霧氤氳擁鳳輿。

展翅鸞凰皆雅馴。

飄飄童女自優遊。

旛幢繚繞迎華蓋。

瓔珞飛揚罩冕旒。

止為昌期逢泰運。

故教仙聖至中州。

話說女媧娘娘跨青鸞而來阻住三個妖怪之路。三妖不敢前進。按落妖光。俯伏在地。口稱娘娘聖駕降臨。小畜有失。迴避。望娘娘恕罪。小畜今被楊戩等追趕甚迫。求娘娘救命。女媧娘娘聽罷。分付碧雲童兒將縛妖索。把這三個業障鎖了。交與楊戩解往周營。與子牙發落。童兒領命將三妖縛定。三妖泣而告曰。啟娘娘得知。昔日是娘娘用招

妖旛招小妖去朝歌。潛入宮禁。迷惑紂王。使他不信正道。斷送他的天下。小畜奉命。百事逢迎。去其左右。令彼將天下斷送。今已垂亡。正欲覆娘娘鈞旨。不期被楊戩等追襲。路遇娘娘聖駕。尚望娘娘救護。娘娘反將小畜縛去。見姜子牙發落。不是娘娘出乎反乎了。望娘娘上裁。女媧娘娘曰。吾使你斷送殷受天下。原是合上天氣數。豈意你無端造業。殘賊生靈。屠毒忠烈。慘惡異常。大拂上天好生之仁。今日你罪惡貫盈。理宜正法。三妖俯伏不敢聲言。只見楊戩同雷震子。韋護正望前追趕。三妖楊戩望見祥光。忙對雷震子。韋護曰。此位是女媧娘娘。大駕降臨。快上前參謁。

雷震子聽罷三人向前。創身下拜。楊戩等曰。弟子不知聖駕降臨。有失迎迓。望娘娘恕罪。女媧娘娘曰。楊戩我與你將此三妖拿在此間。你可帶往行營。與姜子牙正法施行。今日周室重興。又是太平天下也。你三人去罷。楊戩等感謝娘娘叩首而退。將妖解往周營。後人有詩歎之。

三妖造惡萬民殃。

斷送殷商至喪亡。

今日難逃天鑒報。

軒轅巢穴在思量。

話說楊戩等將三妖。摔下雲端。三人隨收上遁。來至轅門。那眾軍士見半空中吊下箇女人。後隨着楊戩等三人。軍士忙報入中軍。啟元帥楊戩等。令子牙傳令。令來楊戩吐。

帳見子牙。子牙曰。你拿的妖怪如何。楊戩曰。奉元帥將令。趕三妖于中途。幸逢女媧娘娘。大發仁慈。賜縛妖繩。將三妖捉至轅門。請令施行。子牙傳令解進來。帳下左右諸侯。俱來觀看。怎樣箇妖精。少時楊戩解九頭雉雞精。雷震子解九尾狐狸精。韋護解玉石琵琶精。同至帳下。三妖跪于帳前。子牙曰。你這三箇業障。無端造惡。殘害生靈。食人無厭。將成湯天下。送得乾乾淨淨。雖然。是天數。你豈可縱慾殺人。唆紂王造炮烙。慘殺忠諫。治蠱盆。荼毒宮人。造鹿臺。聚天下之財。爲酒池肉林。內官喪命。甚至敲骨看髓。剖腹驗胎。此等慘惡。罪不容誅。天地人神共怒。雖食肉寢皮。不。

足以盡厥辜。姐已俯伏哀泣告曰：妾身係冀州侯蘇護之女，幼長深閨，鮮知世務，謬蒙天子宣詔，選擇爲妃。不意國母薨逝，天子強立爲后，凡一應主持，皆操之于天子。政事俱掌握于大臣，妾不過一女流，惟知洒掃應對，整飾宮闈，侍奉巾櫛而已。其他妾安能以自專也。紂王失政，雖文武百官不啻千百，皆不能釐政。又何況區區一女子能畢其聽也。今元帥德播天下，仁溢四方，紂王不日授首，縱賤妾一女流，亦無補于元帥。況古語云：罪人不孥，懇祈元帥大開慈隱，憐妾身之無辜，赦歸故國，得全殘年。真元帥天地之仁，再生之德也。望元帥裁之。衆諸侯聽姐已一派言語。

大是有理，皆有憐惜之心。子牙笑曰：你說你是蘇侯之女，將此一番巧言，迷惑衆聽。衆諸侯豈知你是九尾狐狸在恩州驛迷死蘇姐已，借竅成形，惑亂天子，其無端毒惡，皆是你造業。今已被擒，死且不足以盡其罪。尚假此巧語花言，希圖漏網。命左右推出轅門，斬首。號令姐已等三妖低頭無語。左右旗牌官簇擁出轅門來，後有雷震子、楊戩、韋護監斬。只見三妖推至法場，雉雞精垂頭喪氣，琵琶精默然無言，惟有這狐狸精乃是姐已，他就有許多嬌痴，又連累了幾箇軍士。話說那姐已，綁縛在轅門外，跪在塵埃，恍然似一塊美玉，無瑕嬌花，欲語臉襯朝霞，唇含碎玉，綠蓬



鬆雲鬢。嬌滴滴。朱顏轉秋波。無限鍾情頓歌喉。百般嫵媚。乃對那時。刀軍士曰。妾身係無辜受屈。望將軍少緩須臾。勝造浮屠七級。那軍士見姐已美貌。已自有十分憐惜。再加他嬌滴滴的。叫了幾聲將軍長。將軍短。便把這幾箇軍士。叫得骨軟筋酥。口呆目瞪。軟痴癱作一堆。麻酥酥痒成一塊。莫能動履。只見行刑令下。楊戩監斬九頭雉雞精。韋護監斬玉石琵琶精。雷震子監斬狐狸精。三人見行刑令下。喝令軍士動手。楊戩鎮壓住雉雞精。韋護鎮壓住琵琶精。一聲吶喊。軍士動手。將兩箇妖精斬了首級。有一首詩單道琵琶精終不免一刀之厄。

詩曰

憶昔當年過子牙。

硯臺擊頂煉琵琶。

誰知三九重逢日。

萬死無生空自嗟。

話說三軍動手。已將雉雞精。琵琶精斬了首級。楊戩與眾護止帳報功。只有雷震子監斬狐狸精。眾軍士被姐已迷惑。皆目瞪口呆。手軟不能舉刃。雷震發怒。喝令軍士只見箇箇如此。雷震急得沒奈何。只得來中軍帳報知。請令定奪。子牙見楊戩韋護報功。令拿出轅門號令。惟有雷震子赤手來見。子牙問曰。你監斬姐已如何。容身來見我。莫非這狐狸走了。雷震子曰。弟子奉令監斬姐已。孰意眾軍士

被這妖狐迷惑。皆目瞪口呆。莫能動履。子牙怒曰。監斬無能。要你何用。一聲喝退。雷震子羞慚滿面。站立一傍。子牙命將行刑。軍士拿下。斬首示衆。復命楊戩。韋護監斬。二人領命。另換了軍士。再至轅門。只見那妖婦依舊如前一樣。軟款又把這些軍士。弄得東倒西歪。如痴如醉。楊戩與韋護。看見這樣光景。二人商議曰。這畢竟是箇多年狐狸。極善迷惑人。所以紂王被他纏縛得迷而忘返。又何況這些愚人哉。我與你快去稟明元帥。無令這些無辜軍士。死于非命也。楊戩道罷。二人齊至中軍帳。來對子牙。如此如彼。說了一遍。衆諸侯俱各驚異。子牙對衆人曰。此怪乃千年

老狐。受日精月華。偷採天地靈氣。故此善能迷惑人。待吾自出營去。斬此惡怪。子牙道罷。先行衆諸侯隨後。子牙同衆諸侯門弟子。出得轅門。見妲己綁縛在法場。果然千嬌百媚。似玉如花。衆軍士如木雕泥塑。子牙喝退衆士卒。命左右排香案。焚香爐。內取出陸壓所賜葫蘆。放於案上。揭去頂蓋。只見一道白光上昇。現出一物。有眉有眼。有翅有足。在白光上旋轉。子牙打一躬。請寶貝轉身。那寶貝連轉兩三轉。只見妲己頭落在塵埃。血濺滿地。諸侯中尚有憐惜之者。有詩爲証。

詩曰

姐已妖嬈起眾憐

臨刑軍士也情牽

桃花難寫溫柔態

芍藥堪方窈窕妍

憶昔恩州能借竅

應知內闕善周旋

從來嬌媚歸何處

化作南柯帶血眠

話說子牙斬了姐已將首級號令轅門眾諸侯等無不歎賞且說紂王在顯慶殿厭厭獨坐有官人左右紛紛如蟻慌慌亂亂紂王問曰爾等為何這樣急遽想是皇城破了麼傍一內臣跪下泣而奏曰三位娘娘夜來二更時分不知何往因此六宮無主故此着忙紂王聽罷忙叫內臣快查往那裡去了速速來報有常時打聽少時來報啟陛下

三位娘娘首級已號令于周營轅門紂王大驚忙隨左右宦官急上五鳳樓觀看果是三后之首紂王看罷不覺心酸淚如雨下乃作詩一首以弔之

詩曰

玉粹香消實可憐

嬌容雲鬢盡高懸

奇歌妙舞今何在

覆雨翻雲竟枉然

鳳枕已無藏玉日

鴛衾難再拂花眠

悠悠此恨情無極

日落蒼桑又萬年

話說紂王吟罷詩自嗟自歎不勝傷感只見周營中一聲砲响三軍吶喊齊欲攻城紂王看見不覺大驚知大勢已

去非人力可挽。點頭數點。長吁一聲。竟下五鳳樓。過九間殿。至顯慶殿。過分宮樓。將至摘星樓。來。忽然一陣旋窩風。就地滾來。將紂王罩住。怎見得怪風一陣。透膽生寒。有詩為証。

詩曰

蕭蕭颯颯攝離魂。

透骨浸肌氣若吞。

撮起沉寃悲往事。

追隨枉死泣新猿。

催花須借吹噓力。

助雨敲殘次第來。

止為紂王慘毒甚。

故教屈鬼訴辜恩。

話說紂王方行至摘星樓。只見一陣怪風。就地裏將土來。

那蠶盆內。咽咽哽哽。悲悲泣泣。無限蓬頭披髮。赤身裸體之鬼。血腥臭惡。穢不可聞。齊上前來。扯住紂王。大呼曰。還吾命來。又見趙啟梅伯。赤身大叫昏君。你一般也有今日。敗亡之時。紂王忽的把二目一睜。陽氣沖出。將陰魂撲散。那些屈魂怨鬼。隱然而退。紂王把袍袖一抖。上了頭一層樓。又見姜娘娘。一把扯住紂王。大罵曰。無道昏君。誅妻殺子。絕滅彝倫。今日你將社稷斷送。將何面目見先王於泉壤也。姜娘娘正扯住紂王不放。又見黃娘娘。一身血污。腥氣逼人。也上前扯住。大呼曰。昏君。摔我下樓。跌吾粉骨碎身。此心何忍。真殘忍刻薄之徒。今日罪盈惡滿。天地必誅。

紂王被兩箇冤魂纏得如痴似醉一般。又見賈夫人也。上  
前大罵曰。昏君受辛。尔君欺臣妻。吾爲守貞立節。墜樓而  
死。沉寃莫白。今日方能泄我恨也。照紂王一掌。劈面打來。  
紂王忽然一點直靈驚醒。把二目一睜。冲出陽神。那陰魂  
如何敢近。隱隱散了。紂王上了摘星樓。行至九曲欄邊。默  
然無語。神思不寧。扶欄而問。封官官何在。封官官朱昇聞  
紂王呼喚。慌忙上摘星樓來。俯伏欄邊。口稱陛下。奴婢聽  
旨。紂王曰。朕悔不聽羣臣之言。悞被讒奸所惑。今兵連禍  
結。莫可救解。噬臍何及。朕忌身爲天子之尊。萬一城破。爲  
羣小所獲。辱莫甚焉。欲尋自盡。此身尚遺人間。猶爲他人

作念。不若自焚。反爲乾淨。毋得令兒女子借口也。你可取  
柴薪堆積樓下。朕當與此樓同焚。你當如朕命。朱昇聽罷。  
披泪滿面。泣而奏曰。奴婢侍陛下多年。蒙豢養之恩。粉骨  
難報。不幸皇天不造。我商禍亡旦夕。奴婢恨不能以死報  
國。何敢舉火焚君也。言罷。嗚咽不能成聲。紂王曰。此天亡  
我也。非干你罪。你不聽朕命。反有忤逆之罪。昔日朕會命  
費尤。向姬昌演數。言朕有自焚之厄。今日正是天定人。豈  
能逃。當聽朕言。後人有詩。單歎紂王臨焚。念文王易數之  
驗。有詩爲証。

詩曰

昔日文王羨里囚。

紂王無道困西侯。

費尤曾問先天數。

烈焰飛烟鎖玉樓。

話說朱昇再三哭奏勸紂王且自寬慰另尋別策以解此圍。紂王怒曰事已急矣朕籌之已審若諸侯攻破午門殺入內庭朕一被擒汝之罪不啻泰山之重也。朱昇大哭下樓去尋柴薪堆積樓下不表。且說紂王見朱昇下樓自服袞冕手執碧玉珮滿身珠玉端坐樓中。朱昇將柴堆滿揮泪下拜畢方敢舉火放聲大哭。後有詩為証。

詩曰

摘星樓下火初紅。

烟捲烏雲四面風。

今日成湯傾社稷。

朱昇原是盡孤忠。

話說朱昇舉火燒着樓下乾柴只見烟捲冲天風狂火猛。六宮中宮人喊叫霎時間乾坤昏暗宇宙翻崩鬼哭神號。帝王失位朱昇見摘星樓一派火着甚是克惡朱昇擦衣痛哭數聲大叫陛下奴輩以死報陛下也言罷將身擡入火中。可憐朱昇忠烈身為宦豎猶知死節。話說紂王在三層樓上看樓下火起烈焰冲天不覺撫膺長嘆曰悔不聽忠諫之言今日自焚死故不足惜有何面目見先王於泉壤也。只見火趁風威風乘火勢須臾間四面通紅烟霧障天。怎見得有賦為証。

賦曰

烟迷霧捲金光灼灼。掣天飛焰吐雲從。烈風呼呼如雨。驟排炕列炬似燭如燭。須臾萬物盡成灰。說甚麼棟連霄漢。頃刻千里化紅塵。那管他兩聚雲屯。五行之內最無情。二炁之中為獨盛。雕梁畫棟不知費幾許工夫。遭着他盡成蕪粉。珠欄玉砌不知用多少金錢。逢着你皆為瓦解。摘星樓下勢如焚。六宮三殿沿燒得柱倒牆崩。天子命喪在須臾。八妃九嬪牽連得頭焦額爛。無辜宮女盡遭殃。作惡內臣皆在劫。這紂天子呵。拖却塵寰講不起。貢衣航海錦衣玉食金甌社稷。錦綉乾坤都化作。

滔滔洪水向東流。脫離慾海休誇那粉黛蛾眉温香暖。玉翠袖慙慙。清謳皓齒盡赴於栩栩羽化隨夢繞。這正是從前餘焰逞雄威。作過災殃還自受。成湯事業化飛灰。周室江山方赤熾。

話說子牙在中軍方與眾諸侯議攻皇城。忽左右報進中軍啓元帥摘星樓火起。子牙忙領眾將同武王東伯侯北伯侯共天下諸侯齊上馬出了轅門看火。武王在馬上觀看見烟迷一人身穿赫黃袞服。頭戴冕旒。手執碧玉圭。端坐于烟霧之中。朦朧不甚明白。武王問左右曰。那烟霧中乃是紂天子麼。眾諸侯答曰。此正是無道昏君。今日如此。

正所謂自作自受耳。武王聞言掩面不忍看視。兜馬回營。子牙忙上前啓曰：大王爲何掩面而回？武王曰：紂王雖則無道，得罪于天地鬼神，今日自焚，適爲業報。但你我皆爲臣下，曾北面事之，何忍目覩其死而蒙逼君之罪哉？不若回營爲便。子牙曰：紂王作惡，殘賊生民，天怒民怨，縱大白懸旗，亦不爲過。今日自焚，正當其罪。但大王不忍，是大王之仁明忠愛之至意也。然猶有一說：昔成湯以至仁放桀于南巢，救民于水火，天下未嘗少之。今大王會天下諸侯奉天征討，弔民伐罪，實于湯而有光大。王幸毋芥意衆諸侯，同武王回營。子牙督領衆將門人看火，以便取城。只見那

火越盛，看看捲上樓頂。那樓下的柱脚燒倒，只聽得一聲响，摘星樓塌倒如天崩地裂之狀。將紂王埋在火中，霎時化爲灰燼，一靈已入封神臺去了。後人有詩歎之。

詩曰：

放桀南巢憶昔時，深仁厚澤立根基。

誰知殷受多殘虐，烈焰焚身悔已遲。

又有史官觀史有詩，單道紂王失政云。

詩曰：

女媧宮裏祈甘霖，忽動携雲握雨心。

豈爲有情聯好句，應知無道起商參。



婦言是用殘黃者。  
炮烙冤魂多屈死。

忠諫難聽縱浪濤。  
古來慘惡獨君深。

又詩歎紂王才兼文武。

詩曰

打虎雄威氣更驍。

千斤膂力冠羣僚。

托樑換柱超今古。

赤手擒飛過鷲鵬。

拒諫空稱才絕代。

飾非枉道巧多饒。

只因怪迷真性。

贏得樓前血肉焦。

話說摘星樓焚了紂王眾諸侯俱在午門外住劄。少時午門開處眾宮人同侍衛將軍御林士卒酌水獻花焚香拜

迎武王車駕並眾諸侯入九間殿。姜子牙忙傳令且救息宮中火不知後事如何且聽下回分解。

總批

紂王無道殘賊生靈不知凡幾。自家落得摘星樓燒死。縱不是如佛氏報應輪迴之說。自是天理難容耳。畢竟紂王有些豪爽氣。自家做過的事不肯落在他人之手裏。所以一刀兩段。毫不沾滯。真是斬釘削鐵漢子。何難立地成佛。

又批

天地間妖精中。而最靈悍者。無過狐狸。善於巧令。

亦最嫵媚所以惑人最深而殺人亦毒請觀妲己生前弄得紂王國破身亡甚至臨刑猶遺害不淺古今遭此妖狸之害者豈止二有天下國家之人哉幸毋惑此方是打破重關跳出苦海此一書分明指與世人作榜樣令人不可將此狐狸認作真肉也自己身處那國瓜狸當放段肉自食此老

第九十八回

周武王鹿臺散財

詩曰

紂王聚斂吸民脂

不信當年放桀時

積粟已無千載計

盈財豈有百年期

須知世運逢真主

却笑貪淫有阿奴

今日還歸民社去

從來天意豈容私

話說衆諸侯俱上了九間殿只見丹墀下大小將領頭目等衆躋躋踰踰簇擁兩傍子牙領令軍士先放滅宮中火焰武王對子牙曰紂王無道殘虐生靈而六宮近在肘腋其宮人宦寺被害更慘今軍士救火不無波及無辜相父

當首先嚴禁。母令復遭陷害也。子牙聞言。忙傳令。凡軍士人等。止許救火。毋得肆行暴虐。敢有違令。妄取六宮中一物。妄殺一人者。斬首示眾。決不姑惜。汝宜悉知。只見眾宮人。宦寺侍衛軍官。齊呼萬歲。武王在九間殿。駐蹕與眾諸侯。看眾軍士救火。武王猛抬頭。看見殿東邊有黃鄧鄧二十根大桐。在擺列在傍。武王問曰。此桐柱。乃是何物。子牙曰。此銅柱。乃是紂王所造炮烙之刑。武王曰。善哉。善哉。不但臨刑者甚慘。只今日孤觀之。不覺心膽皆裂。紂天子可謂殘忍之甚。子牙引武王入後宮。至摘星樓下。見蠶盆裡。面蛇蝎。上下翻騰。白骨暴露。骷髏亂滾。又見酒池內。陰風

慘慘。肉林下。冷露悽悽。武王問曰。此是何故。子牙曰。此是紂王所製蠶盆。殺害宮人者。左右正是肉林酒池。武王曰。傷哉。紂天子何無仁心。一至此也。不勝傷感。乃作詩以紀之。

詩曰

成湯視綱德聲揚

放桀南巢正大綱

六百年來風氣薄

誰知慘惡喪疆場

又傷炮烙之刑。作詩以紀之。詩曰

苦陷忠良性獨偏

肆行炮烙悅嬋娟

遺魂常傍黃金柱

樓下焚燒業報牽

話說武王來至摘星樓。見餘火尚存。烟焰未絕。燒得七狼  
八狽。也有無辜宮人。遭在此劫。尚有餘骸未盡。臭穢難聞。  
武王更覺心中不忍。忙分付軍士。快將這些遺骸。檢出去  
埋葬。無令暴露。因謂子牙曰。但不知紂王骸骨。焚於何所。  
當另為檢出。以禮安葬。不可使暴露於天地。你我為人臣  
者。此心何安。子牙曰。紂王無道。人神共憤。今日自焚。實所  
以報之也。今大王以禮葬之。誠大王之仁耳。子牙分付軍  
士。檢點遺骸。毋使混雜。須尋紂王骸骨。具衣衾棺槨。以天  
子之禮葬之。後人有詩嘆成湯王業如斯而盡。

詩曰

天喪成湯業。敵兵盡倒戈。五積山尸遍野。

漂杵血流河。盡去煩苛法。方輿時雨歌。

太平今日定。衽席樂天和。

話說子牙令軍上尋紂王遺骸。以禮安葬。不表。且說眾諸  
侯。同武王往鹿臺而來。上了臺時。見閣聳雲端。樓飛霄漢。  
亭臺叠叠。殿宇巍峨。雕欄玉飾。探棟金裝。又只見明珠異  
寶。珊瑚玉樹。扇簾成瓊宮。瑤室堆砌。就繡閣蘭房。不時起  
萬道霞光。頃刻有千條瑞彩。真所謂目炫心搖。神飛魄亂。  
武王點首嘆曰。紂天子這等奢靡。竭天下之財。以窮已欲。  
安有不亡身喪國者。也。子牙曰。古今之所以喪亡者。未有

不從奢侈而敗。故聖王再三叮嚀垂戒者。寶已以德。母寶珠玉。良有以也。武王曰。如今紂王已滅。天下諸侯與閭閻百姓。受紂王剝削之禍。荼毒之苦。征斂之煩。日坐水火之中。衽席不安。重足而立。今不若將鹿臺聚積之貨財。給散與諸侯百姓。將鉅橋聚斂之稻粟。賑濟與饑民。使萬民昭蘇。享一日安康之福耳。子牙曰。大王興言及此。真社稷生民之福也。宜速行之。武王命左右去發財運粟。不表。只見後宮擒紂王之子武庚。至于牙。推令來。衆諸侯切齒少時。衆將將武庚推至殿前。武庚跪下。衆諸侯齊曰。殷受不道。罪盈滿貫。入神共怒。今日當斬首正罪。以洩天地之恨。子

牙曰。衆諸侯之言甚是。武王急止之曰。不可。紂王肆行不道。皆是羣小妖婦惑亂其心。與武庚何干。且紂王炮烙大臣。雖賢如比干微子。皆不能匡救其君。又何况武庚一幼稚之子哉。今紂王已滅。與子何讐。且罪人不孥。原是上天好生之德。孤願與衆位大王共體之。切不可枉行殺戮也。俟新君嗣位。封之以茅土。以存商祀。正所以報商之先王也。東伯侯姜文煥出而言曰。元帥在上。今大事俱定。當立新君。以安天下。諸侯士民之心。况且天不可以無日。國不可以無君。天命有道。歸於至仁。今武王仁德著於四海。天下歸心。宜正大位。以安天下。民心况我等衆諸侯入關襄

武王以伐無道。正爲今日之大事也。望元帥一力擔當。不可遲滯。有辜衆人之心。衆諸侯齊曰。姜君侯講得有理。正合衆人之意。子牙尚未及對。武王惶懼。遂謝曰。孤位輕德薄。名譽未著。惟日兢兢。求爲寡過。以嗣先王之業。而未遑安敢妄覬天位哉。况天位惟艱。惟仁德者居之。乞衆位賢侯共擇一有德者。以嗣天位。毋令有忝厥職。遺天下羞。孤與相父早歸故土。以守臣節而已。倘有東伯侯囑聲大言曰。大王此言差矣。天下之至德。孰有如大王者。今天下歸周。已非一日。卽黎民之簞食壺漿。以迎王師。豈有他哉。謂大王能救民於水火也。且天下諸侯景從雲集。隨大王以

伐無道。其愛戴之心。蓋有自也。大王又何必固辭。望大王俯從衆議。毋令衆人失望耳。武王曰。發有何德。望賢侯無得執此成議。還當訪詢有衆。以服天下之心。東伯侯姜文煥曰。昔帝堯以至德克相上帝。得膺大位。後生丹朱不肖。帝求人而遜位。羣臣舉舜。舜以重華之德。以繼堯而有天下。後帝舜生子商。均亦不肖。舜乃舉天下而讓之禹。禹生啟。賢明能承繼夏命。故相繼而傳。十七世至桀無道而失夏政。成湯以至德放桀于南巢。代夏有而天下傳。二十六世至紂。大肆無道。惡貫罪盈。大王以至德與衆諸侯恭行天之討。今大事已定。克承大寶。非大王而誰。大王又何必

固遜哉。武王曰：孤安敢方禹湯之賢哲也。姜文煥曰：大王不事于戈，以仁義教率天下，化行俗美，三分天下有其二，故鳳鳴於岐山，萬民而樂業，天人相應，理不可誣。大王之政德與二君何多讓哉。武王曰：姜君侯素有才德，當為天下之主。忽聽得兩傍衆諸侯一齊上前大呼曰：天下歸心已非一日，大王為何苦苦固辭。大拂衆人之心矣。况吾等會盟此地，豈是一朝一夕之力，無非欲立大王再見太平之日耳。今太王捨此不居，則天下諸侯瓦解，自此生亂，是使天下終無太平之日矣。子牙上前急止之曰：列位賢侯不必如此。我自明正言順之說，正是

子牙一計成王業

致使諸侯拜聖君

話說衆諸侯在九間殿見武王固遜，俱紛紛爭辨不一。子牙乃止之，對武王曰：紂王禍亂天下，太王率諸侯明正其罪，天下無不悅服。大王禮當正位，號令天下。况當日鳳鳴岐山，祥瑞現於周地，此上天垂應之兆，豈是偶然。今天下人心悅而歸受，正是天人嚮應，時不可失。大王今日固辭，恐諸侯心冷，各散歸國，渙無所統，各據其地，日生禍亂，甚非大王弟伐之意。深失民望，非所以愛之實，所以害之也。願大王詳察。武王曰：衆人固是羨愛，然孤之德薄，不足以勝此任，恐遺先王之羞耳。東伯侯姜文煥曰：大王不必辭

遜元帥自有主見。乃對子牙曰：請元帥速行，不得遲滯。恐人心解散。子牙急忙傳令，命畫圖樣，造臺作祝文，昭告天地社稷。俟後有大賢大王，再讓位未遲。衆諸侯已知子牙之意，隨聲應諾。傍有周公旦，自去造臺。後人有詩誦之。

詩曰：

朝歌城內築禪臺。

萬姓歡呼動八垓。

沴氣已隨餘焰盡。

和風方向太陽來。

岐山鳴鳳經頑瑞。

殿陛廣歌進壽杯。

四海雍熙從此盛。

周家泰運又重開。

話說周公旦畫了圖樣，與天地壇前造一座臺，臺高二層。

按三才之象，分八卦之形。正中設皇天后土之位，傍立山

川社稷之神。左右有十二元神旗號，按子丑寅卯辰巳午

未申酉戌亥，立於其地。前後有十千旗號，按甲乙丙丁戊

己庚辛壬癸，立於本位。壇上有四季正神方位，春日太昊

夏日炎帝，秋日少昊，冬日顓頊。中有皇帝軒轅壇，上羅列

邊二豆簋，金爵玉斝，陳設祭前，併生芻炙脯，列於几席。鮮

醬魚肉，設於案桌，無不齊備。只見香燒寶鼎，花插金瓶子

牙方，請武王上壇。武王再三謙讓，然後祭壇。八百諸侯齊

立於兩傍。周公旦高捧祝文上臺，開讀祝文曰：

惟大周元年壬辰，越甲子昧爽，三日西伯侯、西岐武王



姬發敢昭告於皇天后土神祇曰。嗚呼。惟天惠民。惟辟奉天。有殷受弗克上天。自絕于命。臣發承祖宗累洽之仁。列聖相沿之德。予小子曷敢有越厥志。恭天承命。底商之罪。大正於商。惟爾神祇。克成厥勳。誕膺天命。予小子方日夜祇懼。恐墜前烈。敬修未遑。無奈諸侯軍民耆老人等。疏請再三。衆志誠難固違。俯從羣議。爰考舊典。式諏吉日。祇告于天地宗廟社稷。暨我文考。於是日受冊寶。嗣卽大位。仰承中外靖恭之頌。天以協應之符。慶日月之照臨。膺皇天之永命。尚望。飛我維新。永終不替。慰兆人胥戴之情。垂累業無疆之緒。神其鑒茲。伏惟尚

饗

話說周公旦讀罷祝文。焚了些小特。祝帛畢。只見香烟籠罩空中。瑞靄氤氳滿地。其日天朗氣清。惠風慶雲。真是呂期應運。太平景象。自然迥別。那朝歌百姓擠擁。遍地懽呼。武王受了冊寶。卽天子位。面南而坐。恭端坐樂。奏三番衆諸侯出笏。山呼萬歲。拜賀畢。武王傳旨。大赦天下。衆人簇擁。武王下壇。來至殿廷。從新拜賀。武王傳旨。命擁九龍。飾席大宴。入百諸侯。君臣共樂。衆人酒過數巡。俱各懽暢。百官覺已深沉。各辭闕謝恩而散。後人讀史。見武王一戎衣而有天下。君臣和樂。作詩以詠之。

詩曰

壇上香風繞聖王。

軍民高祝舞霓裳。

江山依舊承柴望。

社稷重新樂裸將。

金闕曉臨仙掌動。

玉階時聽珮環忙。

熙熙皞皞清明世。

萬姓謳歌慶未央。

話說次日武王設朝。眾諸侯朝賀畢。武王謂子牙曰。殷紂因廣施土木之功。竭天下之財。荒淫失政。故有此敗。朕蒙眾諸侯立之為君。朕欲將鹿臺之貨財給散與天下諸侯。頒賜各夷王衣襲之費。列爵惟五。分土惟三。建官惟賢。位事惟能。重民五教。惟食喪祭。惇信明義。崇德報功。命諸侯

各引人馬歸國。以安享其土地。又將摘星樓殿閣。盡行拆毀。散鹿臺之財。發鉅橋之粟。釋箕子之囚。封比干之墓。式商容之閭。放內宮之人。人資于四海。而萬姓悅服。乃偃武修文。歸馬于華山之陽。放牛于桃林之野。以示天下弗服。武王在朝歌旬月。萬民樂業。人物安阜。瑞草生。鳳凰現。醴泉溢。甘露降。景星慶雲。熙熙皞皞。真是太平景象。有詩為證。

詩曰

八十公公杖策行。

相逢欣笑話生平。

眼中不識干戈事。

耳內稀聞戰鼓聲。

每見麒麟鸞鳳現

時聽絲竹管絃鳴

于今世上稱寧宇

不似當年枕席驚

話說武王為天子。天人感應。民安物阜。天降祥瑞。萬民無不悅服。只見天下諸侯俱辭朝。各歸本國。子牙入內庭見武王。王曰。相父有何奏章。子牙奏曰。方今天下以定。老臣啟陛下。命官鎮守朝歌。武王曰。俱聽相父。着用何官。子牙曰。今武庚陛下既待以不殺。使守本土。得存商祀。必用何人監守。方可。武王曰。俟明日臨朝商議。子牙退朝回相府。只至次日。武王早朝。諸臣朝見畢。武王曰。朕今封武庚世守本土。以存商祀。必使人監國。當用何人。而後可。武王問

罷眾臣共議。非親王不可。須議管叔鮮蔡叔度。二王監國。武王依允。隨命二叔守此朝歌。武王分付明日大駕歸國。只見武王聖諭一出。朝歌軍民暨耆老人等。俱謀議遮留。駕不表。話說武王次日。分付二叔監國。大駕隨大行。只見那些百姓扶老挈幼。遮拜於道。大呼曰。陛下救我等于水火之中。今一旦歸國。是使萬姓而無父母也。望陛下視同仁。留居此地。我等百姓不勝慶幸。武王見百姓挽留。乃慰之曰。今朝歌朕已命二叔監守。如朕一樣。必不令爾等失所也。爾等當奉公守法。自然安業。又何必朕在此。方能安阜也。百姓挽留不住。放聲大哭。震動天地。武王亦覺悽

然復謂二弟管叔鮮。蔡叔度。曰。民乃國之根本。爾不可輕虐下民。當視之如子。若是不體意。有虐下民。朕自有國法。在。必不能為親者諱也。二弟其勉之。二叔受命。武王即日發駕起程。往西岐前進。百姓哭送一程。竟回朝歌。不表話。說武王離朝歌。一路行來。也非一日。不覺來至孟津。思想昔日渡孟津時。白魚躍舟。兵戈擾攘。今日又是一番光景。不勝嗟嘆。後人有詩咏之。

詩曰

駕返西岐龍入海。

與民懼怖樂堯年。

歸牛桃園開新運。

牧馬華山洗舊羶。

箕子囚中先解釋。

比干墓上有封箋。

孟津昔日曾流血。

無怪周王念往賢。

話說武王同子牙渡了黃河。過渑池。出五關。子牙一路行來。忽然想起一班隨行征伐陣亡的將官。心下不勝傷悼。一日來至金雞嶺。兵過首陽山。只見大對方行。前面有二位道者阻住。對旗門官曰。與我請姜元帥答話。左右報進中軍。子牙忙出轅門觀看。却是伯夷。叔齊。子牙慙躬身問曰。二位賢侯。見尚有何見諭。伯夷曰。姜元帥今日回兵。紂王致于何地。子牙各曰。紂王無道。天下共棄之。吾兵進五關。只見天下諸侯。已大會于孟津。至甲子日。受率其旅若

林岡敢敵于我師前徒倒戈攻于後以北至血流漂杵紂  
王自焚天下大定吾王武王散鹿臺之財發鉅橋之粟封  
比干之墓式商容之間諸侯無不悅服尊武王為天子今  
日之天下非紂王之天下也子牙道罷只見伯夷叔齊仰  
面涕泣大呼曰傷哉傷哉以暴易暴兮予意欲何為歌罷  
拂袖而回竟入首陽山作採薇之詩七日不食周粟餓死  
首陽山後人有詩弔之

詩曰

昔阻周兵在首陽

中心一點為成湯

三分已去猶啼血

萬死無辭立大綱

水土不知新世界

江山還念舊君王

可憐耻食甘名節

萬古常存日月光

子牙兵過首陽山

山一路上周民箠

武王一日兵至西岐山忽有上大夫散宜生黃滾前來接

駕領眾官俱在道傍俯伏武王在車中見眾弟與黃滾老

將軍後隨孫兒黃天祿武王曰朕東征五載今見卿等不

覺滿腔悽慘愁懷勃勃也宜生近前啓曰陛下今登大位

天下太平此不勝之喜臣等得復觀天顏正是龍虎重逢

再慶都俞喜起之風陛下與萬姓同樂太平又何至悽惋

不悅也武王曰朕因會諸侯而伐紂東進五關一路內損

朕許多忠良未得共享太平先歸泉壤今日卿等老者少者存者沒者俱不一其人使朕不勝今昔之感所以鬱鬱不樂耳散宜生啓日以臣死忠以子死孝俱是報君父之恩恩遺芳名于史冊自是美事陛下爵祿其子孫世受國恩卽所以報之也又何必不樂哉武王與衆臣併轡而行西岐山至岐州只七十里一路上萬民爭看無不歡悅武王鸞駕簇擁來至西岐城笙篳嘹唳香氣氤氳武王至前殿下輦入內庭參見太姜謁太任會太姬設筵宴在顯慶殿大會文武正是

大平天子排佳宴

龍虎風雲聚會時

話說武王宴賞百官君臣懽飲盡醉而散次日早朝聚衆文武參謁畢武王曰有奏章出班見朕無事早散言未畢子牙出班奏曰老臣奉天征討滅紂興周陛下大事已定只有屢年陣亡人仙未受封職老臣不日辭陛下往崑崙山見掌教師尊請王牒金符封贈衆人使他各安其位不致他悵悵無依耳武王曰相父之言甚是言未畢午門官啓駕外有商臣飛廉惡來在午門候旨武王問子牙曰今商臣至此見朕意欲何爲子牙奏曰飛廉惡來紂之佞臣前破紂之時二奸隱匿今見天下太平至此欲夤緣陛下希圖爵祿耳此等奸佞豈可一日容之于天地間哉但老

臣有用他之處。陛下可宣入殿廷。俟老臣分付他自有道理。武王從其言。命宣入殿前來。左右將二臣引至丹墀拜舞。畢口稱亡國臣飛廉惡來。愿陛下萬歲。武王曰。二卿至此。有何所願。飛廉奏曰。紂王不聽忠言。荒淫酒色。以至社稷傾覆。臣聞大王仁德著于四海。天下歸心。真可駕堯軼舜。臣故不憚千里。求見陛下。愿效犬馬。倘蒙收錄。得執鞭于左右。則臣之幸也。謹獻玉符金册。願陛下容納子牙。曰。二位大夫在紂。俱有忠誠。奈紂王不察。致有敗亡之禍。今既歸周。是棄暗投明。愿陛下當用二位大夫。正所謂捨玦而用美玉也。武王聽子牙之言。封飛廉惡來為中大夫。

二臣謝恩後。人有詩嘆之。

詩曰。

貪望高官特地來。

玉符金節獻金階。

子牙早定防奸計。

難免封神劍下災。

話說武王封了飛廉惡來二人。子牙出朝。回相府。不表。單說當年馬氏笑子牙不能成其大事。竟棄子牙而他適。及至今日。武王嗣位。天下歸周。宇宙太平。即茅簷蔭屋。窮谷深山。凡有人烟聚集之處。無有不知武王伐紂。俱是相父姜子牙之功。今日一統華夷。姜子牙出將入相。享人間無窮富貴。權奪人主位。極人臣。古今罕及。天下人無不讚嘆。

當日子牙困窮之時。碯溪坐隱。此身已老於漁樵。孰意八十歲方被文王聘請歸國。今日做出這無大不大事業來。今日講明日講。一日講到這馬氏耳朶裡來。馬氏此時跟隨了一箇鄉村田戶之人。其日聞得隣家一箇老婆子對馬氏曰。昔日你初時嫁的那箇姜某。如今做了多大事業。如此長如此短。說了一遍。說得那馬氏滿面通紅。一腔熱烘烘的起來。半日無語。那老婆子又促了他兩句。說道當日還是大娘子錯了。若是當時隨了姜某。今日也享這無窮富貴。却強如在這裡守窮度日。這還是你命裡沒福。馬氏越發心裡如油煎火燎一般。追悔不及。越覺怒惱。當時

馬氏辭了老婆子。自家歸來。坐在房裡。越想越恨我當初如何看不上他這雙眼睛。還生在世。上自思便活一百歲也。只是如此。天下豈有這等一箇大貴人。錯過了。還有甚麼好處。又想適讒這箇老婆子說。是我沒福。不覺羞慚。再有何顏立于人世。不如尋箇自盡罷。乃大哭了一回。心裡又想。恐怕不是他。假如錯聽了。天下也有這箇同名同姓的。却不是枉死了自己。又自解嘆。且等到晚間。俟我這箇丈夫來家。問他明白。再也未遲。那日天晚。只見那農夫張三。老往城中賣菜來家。馬氏接着收拾了晚飯。與丈夫吃了。因問曰。如今姜子牙聞說他出將入相。百般富貴。果然



真麼張三老聽說忙賠笑臉答曰賢妻不問我也不好說。果然是真的前日姜丞相在朝歌甚麼樣威儀天下諸侯俱各聽命我那時要與你說去見他一見也討箇小小的富貴。我只怕他品位俱尊恐惹出事來。故此一向不曾說得。今蒙娘子問及只得說與你知道如今遲了姜丞相回國多時只是當初在這裡好的。馬氏聞言半日無語。這張三老恐娘子着惱又安慰了一回。馬氏假意勸丈夫睡了。自己收拾渾身乾靜哭了數聲。懸樑自縊而死。一魂往封神臺去了。及至張三老知覺天已明了。馬氏氣絕。張三老只得買棺水埋葬。不表後人有詩嘆之。

詩曰

痴心尚望享榮華。

應悔當時一念差。

三復垂思無計策。

懸樑雖死愧黃沙。

話說次日子牙入朝見武王奏曰昔日老臣奉師命下山助陛下弔民伐罪原是應運而興凡人仙皆逢殺劫先立有神榜。在封神臺上。今大事已定人仙魂魄無依。老臣特啓陛下給暇往崑崙山見師尊。請玉符金冊來封衆神。早安其位。望陛下准臣施行。武王曰相父勞苦多年當享太平之福。但此事亦是不了之局。相父可速宜施行。不得久羈仙島。令朕凝望眼耳。子牙曰老臣怎敢有辜聖恩而

樂遊林壑也。子牙懼辭武王。四相府沐浴畢。駕土遁往崑崙山而來。不知後事如何。且聽下回分解。

總批 當日飛廉惡來歸周。姜子牙當明其罪狀。收而戮之。使天下後世知奸佞斷不容于盛世耳。何必定以詐力愚之。然後殺之哉。子牙斯舉。殊失大聖人作用。子深惜之。

又批 馬氏先不隨子牙入西原。是箇惡婦。只是一知子牙富貴。自羞當年不識人。遂自縊而死。這還是箇知羞耻烈性婦人。只是當時一念之差。較之今日。竟不為耻者。豈啻天淵哉。

第九十九回

姜子牙歸國封神

詩曰

濛濛香靄彩雲生。滿道謳歌賀太平。

北極祥光籠兌地。南來紫氣繞金城。

羣仙此日皆登果。列聖明朝盡返貞。

萬古崇呼禮祀遠。從今護國永澄清。

話說子牙借土遁來至玉虛宮前。不敢擅入。少時只見白鶴童兒出來。看見姜子牙。忙問曰。師叔何來。子牙曰。煩你

通報一聲。特來叩謁老師。童子忙進宮來。至碧遊床前。啟

曰。稟上老爺。姜師叔在宮外求見。元始天尊曰。着他進來。

童子出來傳與子牙。子牙進宮。至碧遊床前。倒身下拜。弟子姜尚。愿老師萬壽無疆。弟子今日上山拜見老師。特爲請玉符勅命。將陣亡忠臣孝子。逢劫神仙。早早封其品位。母令他遊魂無依。終日懸望。乞老師大發慈悲。速賜施行。諸神幸甚。弟子幸甚。元始曰。我已知道了。你且先回。不日就有符勅。至封神臺來。你速回去罷。子牙叩首謝恩而退。子牙離了玉虛宮。回至西岐。次日入朝參謁武王。備言封神一事。老師自令人齋來。不覺光陰迅速。也非止一日。只見那日空中笙簧嘹唳。香氣氤氳。旌幢羽蓋。黃巾力士簇擁而來。白鶴童子親齋符勅。降臨相府。怎見得有詩爲証。

詩曰

紫府金符降玉臺。

旌幢羽蓋拂三台。

雷瘟火斗分先後。

列宿羣星次第開。

糾察無私稱至德。

滋生有自序長才。

仙神人鬼從今定。

不使朝朝墮草萊。

話說子牙迎接玉符金勅。供與香案上。望玉虛宮謝恩畢。黃巾力士與白鶴童子別了子牙。回崑崙不表。子牙將符勅親自齋捧。借上道往岐山前來。只一陣風。早到了封神臺。有清福栢鑑來接子牙。子牙捧符勅進了封神臺。將符勅在正中供放。傳令武吉南宮。迺立八卦紙旛。鎮壓方向。

封神演義  
與千支旗號。又令二人領三千人馬。按五方排列。子牙分  
付停當。方沐浴更衣。拈香金鼎。酌酒獻花。遶臺三匝。子牙  
拜畢。誥勅先命清福神栢鑑。在臺下聽候。子牙然後開讀。  
玉虛宮元始天尊誥勅。

太上無極混元教主。元始天尊。勅曰。嗚呼。仙凡路迥。非  
厚培根行。豈能通神鬼途。分豈諂媚奸邪。所覬竊縱服。  
氣煉形于島嶼。未會斬却三尸。終歸五百年後之劫。總  
抱真守一於玄關。若未超脫陽神。難赴三千瑤池之約。  
故爾等雖聞至道。未證菩提。有心日修持。貪癡未脫。有  
身已入聖。嗔怒難除。須至往愆累積。劫運相尋。或脫凡

纏而盡忠報國。或因嗔怒而自惹災尤。生死輪迴。循環  
無已。業冤相逐。轉報無休。吾甚憫焉。憐爾等身從鋒刃。  
日沉淪于若海。心雖忠盡。飄泊而無依。特命姜尚。依劫  
運之輕重。循資品之高下。封爾等為八部正神。分掌各  
司。按布週天。糾察人間善惡。檢舉三界功行。禍福自爾  
等施行。生死從今超脫。有功之日。循序而遷。爾等其恪  
守弘規。毋肆私妄。自惹愆尤。以貽伊戚。永膺寶籙。常握  
絲綸。故茲爾敕。爾其欽哉。

子牙宣讀勅書畢。將符籙供放案卓之上。乃全裝甲冑。左  
手執杏黃旗。右手執打神鞭。站立中央。大呼曰。栢鑑可將

封神榜張掛臺下諸神俱當循序而進不得攙越取咎栢  
鑑領法旨將封神榜張掛臺下只見諸神俱簇擁前來觀  
看那榜首就是栢鑑栢鑑看見手執引魂旛忙進壇跪伏  
壇下聽宣元始封誥子牙曰今奉

太上元始勅命爾栢鑑昔爲軒轅皇帝大帥征伐蚩尤曾  
有勲功不幸殛死北海捐軀報國忠盡可嘉一向沉淪寃  
猶可憫幸遇姜尚封神守臺功茂特賜寶籙慰爾忠魂今  
敕封爾爲三界首領八部三百六十五位清福正神之職  
爾其欽哉栢鑑在壇下陰風影裏手執百靈旛望玉勅叩  
頭謝恩畢只見壇下風雲簇擁香霧盤旋栢鑑至壇外手

執百靈旛伺候指揮子牙命栢鑑引黃天化上臺聽封不  
一時只見清福神用旛引黃天化至臺下跪聽宣讀勅命  
子牙曰今奉

太上元始勅命爾黃天化以青年盡忠報國下山首建大  
功救父尤爲孝養未享榮封捐軀馬革情實痛焉援功定  
賞當存其厚特

勅封爾爲管領三山正神炳靈公之職爾其欽哉黃天化  
在壇下叩首謝恩出壇而去子牙命栢鑑引五岳正神上  
壇受封少時清福神引黃飛虎等齊至臺下跪聽宣讀勅  
命子牙曰今奉

太上元始勅命爾黃飛虎。遭暴主之慘惡。致逃亡于他國。流離遷徙。方切骨肉之悲。奮志耐知。突遇陽針之劫。遂罹凶禍。情實可悲。崇黑虎。有志濟民。時逢却運。聞聘等三人。金蘭氣重。方肯協力同心。忠義志堅。欲效股肱之願。豈意陽運告終。齋志而沒。爾五人同一孤忠。功有深淺。特錫榮封。以是差等。乃

勅封爾黃飛虎。爲五岳之首。仍加勅一道。執掌幽冥地府。一十八重地獄。凡一應生死轉化人神。仙鬼俱從東嶽勘對方許施行。特

勅封爾爲東嶽泰山。天齊仁聖大帝之職。總管天地人間。

吉凶禍福。爾其欽哉。毋論厥典。黃飛虎在臺下。先叩首謝。恩子牙方讀四勅。曰特

勅封爾崇黑虎。爲

勅封爾聞聘。爲中

勅封爾崔英。爲北

勅封爾蔣雄。爲西

虎等。俱叩首謝恩。畢。同黃飛虎出壇而去。子牙命植鑑引

雷部正神。上臺受封。只見清福神持引魂旛。出壇來引雷

部正神。只見聞太師。畢竟他英風銳氣。不肯讓人。那裡肯

隨植鑑子牙在臺上。看見香風一陣。雲氣盤旋。率領二十

四位正神逕闖至臺下也不跪。子牙執鞭大呼曰：雷部正神跪聽宣讀玉虛宮封號。聞太師方纔率眾神跪聽封號。子牙曰：今奉

太上元始勅命爾開仲曾人名山證修大道。雖聞朝元之果未真至一之誦。登大羅而無緣。位人臣之極品。轉相兩朝竭忠補袞。雖劫運之使然。其真烈之可憫。今特命爾督率雷部。與雲布雨。萬物耗以長養。誅逆除奸。善惡由之。福福特

勅封爾為九天應元雷神普化天尊之職。仍率領雷部三十四員。催雲助雨。設法天君。任爾施行。爾其欽哉。

雷部三十四位天君正神名諱

雷大君 諱忠 辛天君 諱環

張天君 諱節 陶天君 諱榮

龐天君 諱洪 劉天君 諱甫

苟天君 諱章 畢天君 諱完

程天君 諱完 趙天君 諱江

董天君 諱全 袁天君 諱角

李天君 諱德 孫天君 諱良

栢天君 諱禮 王天君 諱變

姚天君 諱賓 張天君 諱詔

黃天君

諱庚

萬仙陣亡

金天君

諱素

萬仙陣亡

吉天君

諱立

余天君

諱慶

閃電神

即金光聖母

助風神

即菡芝仙

話說雷祖率領二十四位天君聽封號畢俱望臺上。囑齊謝恩出封神臺去訖。只見祥光縹緲紫霧盤旋電光閃灼風雲簇擁自是不同有詩讚之

詩曰

布雨興雲助公平

滋培萬物育羣生

從今雷部承八勅

誅惡安良達聖明

雷祖去了子牙又命相鑑引火部正神上臺聽封。至二時

清福神引羅宣等至臺下跪聽宣讀勅命子牙曰今奉

太上元始勅命爾羅宣昔在火龍島會修無上之真未跨

青鸞之翼因一念之嗔痴棄七尺為鳥有雖尤爾咎實乃

往愆特

勅封爾為南方三炁火德星君正神之職仍率領火部五

位正神任爾施行巡察人間善惡爾其欽哉

火部五位正神名諱

尾火虎

朱招

室火猪

高震

觜火猴

方貴

翼火蛇

王蛟

接火天君

劉環



話說火星率領五位正神叩首謝恩出臺去了。子牙又命栢鑑引瘟部正神上臺受封。少時清福神引呂岳等至臺下跪聽宣讀勅命。只見慘霧悽悽陰風習習。子牙曰：今大上元始勅命爾呂岳潛修島嶼有成仙了道之機。悞聽妻非動干戈殺戮之慘。自墮惡趣。夫復何戚。特勅封爾為主掌瘟癘昊天大帝之職。率領瘟部六位正神。凡有時症任爾施行。爾其欽哉。

瘟部六位正神名諱

東行行瘟使者

周諱

信

南方行瘟使者

李諱

奇

西方行瘟使者

朱諱

天麟

北方行瘟使者

楊諱

文輝

勸善大師

陳諱

庚

和瘟道士

孫諱

通

呂岳等聽罷封號叩首謝恩出壇去了。子牙又命栢鑑引斗部正神上臺受封。不一時只見清福神引金靈聖母等至臺下跪聽宣讀勅命。子牙曰：今奉太土元始勅命。爾金靈聖母道德已全。曾歷百千之劫。嗔心未退。致罹殺戮之殃。皆自蹈于烈焰之中。豈冥數定輪迴之苦。悔已無及。慰爾潛修。特

勅封爾執掌金闕坐鎮斗府居週天列宿之首為北極紫  
炁之尊八萬四千羣星惡煞咸聽驅使永坐坎宮斗母正  
神之職欽承新命克盡往愆

五斗羣星吉曜惡煞正神名諱

東斗星官

蘇諱護

金諱奎

姬諱叔度

趙諱丙

西斗星官

黃諱天祿

龍諱環

孫諱子羽

胡諱昇

胡諱雲鵬

胡諱

中斗星官

魯諱仁傑

晁諱雷

中天北極紫微大帝

姚諱叔方

姬諱伯邑考

南斗星官

周諱紀

胡諱雷

高諱貴

余諱成

孫諱寶

雷諱昆

北斗星官

黃諱天罡

殷諱比干文曲

黃諱景元武曲

韓諱昇左輔

韓諱變右弼

蘇諱全忠破軍

鄂諱順貪狼

郭諱振巨門

董諱忠招搖

羣星名諱

青龍星	鄧 <small>諱</small>	九公	白虎星	殷 <small>諱</small>	成秀
朱雀星	馬 <small>諱</small>	方	玄武星	徐 <small>諱</small>	仲
勾陳星	孫 <small>諱</small>	伯	滕蛇星	張 <small>諱</small>	山
太陽星	徐 <small>諱</small>	蓋	太陰星	姜氏	紂后
玉堂星	商 <small>諱</small>	容	天貴星	姬 <small>諱</small>	叔乾
龍德星	洪 <small>諱</small>	錦	紅鸞星	龍吉	公主
天喜星	紂王	天子	天德星	梅 <small>諱</small>	栢 <small>紂天</small>
月德星	夏 <small>諱</small>	招 <small>紂天</small>	天赦星	趙 <small>諱</small>	啟 <small>紂天</small>
貌端星	賈	氏 <small>黃飛虎妻</small>	金府星	陳 <small>諱</small>	定 <small>萬仙陣亡</small>

本府星	蘆	申 <small>萬仙陣亡</small>	水府星	余 <small>諱</small>	燦 <small>萬仙陣亡</small>
-----	---	-----------------------	-----	--------------------	-----------------------

火府星	王 <small>諱</small>	真 <small>萬仙陣亡</small>	土府星	土 <small>諱</small>	行孫
-----	--------------------	-----------------------	-----	--------------------	----

六合星	鄧氏	嫗玉	博士星	那 <small>諱</small>	三益 <small>萬仙陣亡</small>
-----	----	----	-----	--------------------	------------------------

力士星	戴 <small>諱</small>	禮	奏書星	車 <small>諱</small>	方
-----	--------------------	---	-----	--------------------	---

河魁星	翟 <small>諱</small>	元	月魁星	崔 <small>諱</small>	士傑
-----	--------------------	---	-----	--------------------	----

帝車星	徐 <small>諱</small>	振	天嗣星	石 <small>諱</small>	章
-----	--------------------	---	-----	--------------------	---

帝輅星	丁 <small>諱</small>	策	天馬星	龐 <small>諱</small>	虎
-----	--------------------	---	-----	--------------------	---

皇恩星	李 <small>諱</small>	錦	天醫星	錢 <small>諱</small>	保 <small>皆萬仙陣亡</small>
-----	--------------------	---	-----	--------------------	------------------------

地后星	黃氏	紂后	宅龍星	姬 <small>諱</small>	叔德
-----	----	----	-----	--------------------	----

伏龍星	黃 <small>諱</small>	明	驛馬星	雷 <small>諱</small>	開
-----	--------------------	---	-----	--------------------	---

黃旛星 魏諱賁 豹尾星 鄭諱龍

喪門星 張諱桂芳 弔客星 風諱林

勾絞星 費諱仲 卷舌星 尤諱渾

羅猴星 彭諱遵 計都星 王諱豹

飛廉星 姬諱叔坤 大耗星 崇諱侯虎

小耗星 殷諱破敗 貫索星 秦諱庚

欄杆星 龍諱安吉 披頭星 太諱藥

五鬼星 鄧諱秀 羊刀星 趙諱升

血光星 孫諱紅焰 官符星 方諱義真

孤辰星 余諱化 天狗星 季諱康

病符星 王諱佐 鑽骨星 崔諱信

死符星 卞諱金龍 天敗星 栢諱忠

浮沉星 鄭諱春 大殺星 丁諱策

歲殺星 李諱雄萬仙陣亡 歲刑星 徐諱芳穿雲總兵

歲破星 晁諱田 獨火星 姬諱叔義

血光星 馬諱思 亡神星 歐陽諱平臨潼總兵

月破星 王諱履 月遊星 梁諱顯

死氣星 陳諱禮亮 咸池星 池諱忠

月厭星 孫諱安 月刑星 李諱德

黑殺星 高諱繼能 七殺星 張諱奎

五谷星

殷諱

洪

除殺星

黃諱

鼎臣

天刑星

楊諱

春

天羅星

朱諱

寅

地網星

姬諱

叔吉

天空星

錢諱

京

華蓋星

張諱

定

十惡星

李諱

德武

俱萬仙陣

蠶畜星

胡諱

佳善

桃花星

高氏蘭英

鐵掃帚

馬

氏

大禍星

陳諱

猛

狼籍星

韓諱

榮汜水總兵

披麻星

金諱

庚

九醜星

姚諱

玄萬仙陣亡

三尸星

撒諱

堅

三尸星

撒諱

強

撒勇

兄弟三人

陰錯星

金諱

海萬仙陣亡

陽差星

王諱

保萬仙陣亡

刀殺星

公孫諱

鐸

四竅星

袁諱

坤

五窮星

史諱

思齊

地空星

洪諱

承秀

紅艷星

王諱

義

流霞星

楊諱

相

寡宿星

張諱

偉

天瘟星

程諱

朝用

荒蕪星

呂諱

國才

胎神星

姬諱

叔禮

伏斷星

李諱

顏

反吟星

周諱

栢

伏吟星

呂諱

知本

刀砧星

胡諱

松

滅沒星

房諱

景元

歲厭星

楊諱

旺

破碎星

余諱

宗伯

二十八宿名諱

內有八人封在水火二部管事俱萬仙陣亡

角木蛟

栢諱

林

斗木豸

楊諱

偉

奎木狼

李諱

雄

井木犴

沈諱

庚

牛金牛

李諱

弘

鬼金羊

趙諱

白高

雙金狗

張諱

雄

亢金龍

李諱

道通

女土蝠

鄭諱

元

胃土雉

宋諱

庚

柳土獐

吳諱

坤

辰土貉

高諱

丙

星日馬

呂諱

能

昴日雞

黃諱

倉

虛日鼠

周諱

寶

房日兔

姚諱

公伯

畢月鳥

金諱

繩陽

危月燕

侯諱

太乙

心月狐

蘇諱

元

張月鹿

薛諱

定

隨斗部天罡星三十六位名諱

俱萬仙陣亡

天魁星

高諱

衍

天罡星

黃諱

真

天機星

盧諱

昌

天開星

紀諱

丙

天勇星

姚諱

公孝

天雄星

施諱

檜

天猛星

孫諱

乙

天威星

李諱

豹

天英星

朱諱

義

天貴星

陳諱

坎

天富星

黎諱

仙

天滿星

方諱

保

天孤星

詹諱

秀

天傷星

李諱

洪仁

天立星

王諱

龍茂

天建星

鄧諱

王

天暗星

李諱

新

天祐星

徐諱

正道

天空星 典諱通 天速星 吳諱旭

天異星 呂諱自答 天煞星 任諱來聘

天微星 龔諱清 天究星 單諱百招

天退星 高諱可 天壽星 戚諱成

天劍星 王諱虎 天竟星 卜諱同

天罪星 姚諱公 天損星 唐諱天正

天敗星 申諱公禮 天牢星 聞諱傑

天慧星 張諱智雄 天暴星 畢諱德

天哭星 劉諱達 天巧星 程諱三益

隨斗部地煞星柒拾貳位名諱 俱萬仙

地魁星 陳諱繼真 地煞星 黃諱元濟

地勇星 賈諱成 地傑星 呼諱百顏

地雄星 魯諱修德 地威星 須諱成

地英星 孫諱祥 地奇星 王諱平

地猛星 栢諱有患 地文星 革諱高

地正星 老諱隔 地關星 李諱燧

地鬪星 劉諱衡 地強星 夏諱祥

地暗星 余諱惠 地輔星 鮑諱龍

地會星 魯諱芝 地佐星 黃諱丙慶

地祿星 張諱奇 地靈星 郭諱巳

地獸星 金諱甫道 地微星 陳諱一元

地慧星 車諱坤 地暴星 桑諱成道

地然星 周諱庚 地猖星 齊諱公

地狂星 霍諱之元 地飛星 葉諱申

地走星 顧諱宗 地巧星 李諱昌

地明星 方諱吉 地進星 徐諱吉

地退星 樊諱煥 地滿星 卓諱公

地遂星 孔諱成 地周星 姚諱金秀

地隱星 竇諱三益 地異星 余諱知

地理星 童諱貞 地俊星 袁諱鼎相

地樂星 汪諱祥 地捷星 耿諱顏

地速星 邢諱三鸞 地鎮星 姜諱忠

地稽星 孔諱天兆 地魔星 李諱躍

地妖星 龔諱情 地幽星 段諱清

地伏星 門諱道正 地僻星 祖諱林

地空星 蕭諱電 地孤星 吳諱四玉

地全星 匡諱玉 地短星 蔡諱公

地角星 藍諱虎 地囚星 宋諱祿

地藏星 關諱斌 地平星 龍諱成

地損星 黃諱烏 地奴星 孔諱道靈



地察星 張諱 煥 地惡星 李諱 信

地魂星 徐諱 山 地數星 葛諱 方

地陰星 焦諱 龍 地刑星 秦諱 祥

地壯星 武諱 衍公 地劣星 范諱 斌

地健星 葉諱 景昌 地耗星 姚諱 燁

地賊星 孫諱 吉 地狗星 陳諱 夢庚

隨斗部九曜星官名諱俱萬仙陣亡

崇諱 慝彪 高諱 素平 韓諱 鵬

李諱 濟 王諱 封 劉諱 禁

王諱 儲 彭諱 九元 李諱 二益

北斗五炁水德星君名諱

水德星 魯諱 雄率領水部四位正神

箕水豹 楊諱 真 壁水獒 方諱 吉清

參水猿 孫諱 祥 軫水蚓 胡諱 道元

眾羣星列宿聽罷封號。叩首謝恩。紛紛出壇而去。子牙又

命栢鑑引直年太歲。至臺下受封。少時清福神用旛引殷

郊楊任等。至臺下跪聽宣讀勅命。子牙曰。今奉

太上元始勅命。爾殷郊昔身為紂子。痛母后致觸君父。幾

懼不測之殃。後証道名山背師言有逆天意。釀成鑿鋤之

禍。雖申公豹之咬使。亦爾自作之愆。由爾楊任事紂。忠君

直諫先遭扼日之苦歸周捨身報國後罹橫死之災總劫  
運之使然亦冥數之難追特  
勅封爾殷郊為執年歲君太歲之神坐守週年管當年之  
休咎爾楊任為甲子太歲之神率領爾部下日直正神循  
週天星宿度數察人間過往愆由爾等宜恪修厥職永欽  
新命。

太歲部下日直眾星名諱

日遊神

喬諱

明

夜遊神

姚諱

益

增福神

韓諱

壽龍

掠福神

薛諱

惡虎

顯道神

方諱

彌

開路神

方諱

相

直年神

李諱

丙萬仙陣亡

直月神

黃諱

承乙萬仙陣亡

直日神

周諱

登萬仙陣亡

直時神

劉諱

洪萬仙陣亡

殷郊等聽罷封號叩首謝恩出壇去了子牙又命栢鑑引

王魔等上壇受封不一時清福神用幡引王魔等至臺下

跪聽宣讀勅命子牙曰今奉

太上元始勅命爾王魔等昔在九龍島潛修大道奈根行

之未深聽唆使之萋菲致拋九轉功夫反受血刃之苦此

亦自作之愆莫怨彼蒼之咎特

勅封爾等為鎮守靈霄寶殿四聖大元帥永承欽命慰爾

幽魂

王諱 魔 楊諱 森 高諱 體乾

李諱 興霸

王魔等聽罷封號叩頭謝恩出壇去了。又命栢鑑引趙公明等上壇受封。不一時清福神用旛引趙公明等至臺下跪聽宣讀勅命。子牙曰：今奉

太上元始勅命爾趙公明昔修大道已證三乘根行深入仙鄉無奈心頭火熱德業迥超清淨其如妄境牽纏一墮惡趨返真無路生未能入大羅之境死當受金誥之封特勅封爾為金龍如意正一龍虎玄壇真君之神率領部下四位正神迎祥納福追逃捕亡爾其欽哉

招寶天尊 蕭諱 昇 納珍天尊 曹諱 寶

招財使者 喬諱 有明 利市仙官 姚諱 逐益

趙公明等聽罷封號叩首謝恩出壇去了。子牙又命栢鑑引魔家四將上壇受封。少時只見清福神用旛引魔禮青兄弟等至臺下跪聽宣讀勅命。子牙曰：今奉

太上元始勅命爾魔禮青等仗秘授之奇珍有逆天命逞弟兄之一體致戮無辜雖忠盡之可嘉奈劫運之難躲同時而盡久入沉淪。今特

勅封爾為四大天王之職輔弼西方教典立地水火風之相護國安民掌風調雨順之權永修厥職毋忝新綸

增長天王 魔禮青掌青光寶劍一口 職風

廣目天王 魔禮紅掌碧玉琵琶一面 職調

多文天王 魔禮海掌管混元珍珠傘 職雨

持國天王 魔禮壽掌紫金龍花狐貂 職顯

魔禮青等聽罷封號叩首謝恩出壇去了。子牙又命栢鑑

引鄭倫等上壇受封。不一時清福神用幡引鄭倫等至臺

下跪聽宣讀勅命。子牙曰：今奉

太上元始勅命。爾鄭倫棄紂歸周。方慶良臣之得。主督糧

盡瘁。深勤跋涉之劬勞。未膺一命之榮。反罹陽九之厄。爾

陳奇阻弔伐之師。雖違天命。蓋忠于國。實有可嘉。總歸于

劫運。無用深咎。茲特卽爾等腹內之奇。加之位職。

勅封爾等鎮守西釋山門。宣布教化。保護法寶。爲哼哈二

將之神。爾其恪修厥職。永欽成命。鄭倫與陳奇聽罷封號

叩首謝恩。出壇去了。子牙又命栢鑑引余化龍父子上壇

受封。不一時只見清福神用幡引余化龍等至壇下跪聽

宣讀勅命。子牙曰：今奉

太上元始勅命。爾余化龍父子拒守孤城。深切忠貞。一門

死難。永堪華袞之封。特銀爾之新綸。當克襄乎上理。乃

勅封爾掌人間之時症。主生死之修短。秉陰陽之順逆。立

造化之元神。爲主痘。碧霞元君之神。率領五方痘神。任爾

施行仍

勅封爾元配金氏為衛房聖母元君同承新命永修厥職  
汝其欽哉

五主王痘正神名諱

東方主痘正神

余諱

達

西方主痘正神

余諱

兆

南方主痘正神

余諱

光

北方主痘正神

余諱

先

中央主痘正神

余諱

德

余化龍等聽罷封號叩首謝恩出壇去了子牙命栢鑑引

三仙島雲霄瓊霄碧霄上臺受封少時只見清福神用幡  
引雲霄等至臺下跪聽宣讀勅命子牙曰今奉

太上元始勅命爾雲霄等潛修仙島雖勤工夫日夜得道  
大王未登大羅彼岸况在逞于兄言借金剪殘害生靈且  
憤怒于冥數擺黃河擒拿正士致歷代之門徒劫遭金斗  
削三花之元氣復轉凡胎業更造乎多端心無悔乎彰報  
姑從惠典錫爾榮封特

勅封爾執掌混元金斗專擅先後之天凡一應仙凡人聖  
諸侯天子貴賤賢愚落地先從金斗轉劫不得越此為感  
應隨世仙姑正神之位爾當念此鸞封克勤爾職

雲霄娘娘

瓊霄娘娘

碧霄娘娘

以上三姑正是坑三姑娘之神。混元金斗卽人間之靜福。凡人之生育俱從此化生也。

三姑聽罷封號。叩頭謝恩。出壇去了。子牙又命栢鑑引申公豹至臺上受封。不一時只見清福神用百靈旛引申公豹至臺下跪聽宣讀勅命。子牙曰。今奉

太上元始勅命。爾申公豹身歸闡教。反助逆以拒直。旣以被擒。又發誓以粉過身。雖塞乎北海。情難釋。其往愆姑念清修之苦。少加一命之榮。特

勅封爾執掌東海朝觀。日出暮轉。天河夏散。冬凝。迴而復

始爲分水將軍之職。爾其永欽成命。毋替厥職。申公豹聽罷封號。叩首謝恩。出壇去了。子牙封罷三百六十三位正神已畢。只見衆神各去領受執掌。不一時封神臺邊悽風盡息。慘霧澄清。紅日中天。和風蕩漾。子牙下壇傳令。命南宮适會合朝大小文武官員。至岐山聽候發落。南宮适領命。忙令馬上飛遞前去。不表。次日衆跪躋躋。踴躍齊至壇下伺候。少時子牙陞帳。衆官俱進帳。參謁畢。子牙傳令將飛廉惡來拿下。飛廉惡來二人齊曰。無罪。子牙笑曰。你這二賊惑君亂政。陷害忠良。斷送成湯社稷。罪盈惡貫。死有餘辜。今國破君亡。又來獻寶偷安。希圖仕周。以享厚祿。新

天子祗承休命萬國維新豈容你這不忠不義之賊于世以貽新政之羞也命左右推出斬之正法二人低頭不語左右推出轅門不知性命如何且聽下回分解

總批 姜太公為諸神之祖欽勅眾神無不用命其規模氣象猗歟盛哉直其萬聖皈依羣仙景仰也

又批 持寶縱惡瓊霄碧霄三位居多若雲霄還有此好處原是強逼而來如何一槩定罪致千古之下受了多少醜醜氣這都是元始天尊偏護自家弟子只為削了他頂上三花就令他三人永劫不磨報之未免太重

第一百回

武王封列國諸侯

詩曰

周室開基立帝圖

分茅列土報功殊

制田世祿惟三等

品爵高人樹五途

鉄券金書藏石室

高牙大纛擁銅符

從今藩鎮如星布

唱化宣猷萬姓蘇

話說子牙傳令命斬飛廉惡來只見左右旗門官將二人推至轅門外斬首號令回報子牙子牙斬了兩個佞臣復進封神臺拍案大呼曰清福神何在快引飛廉惡來魂魄至壇前受封不一時只見清福神用旛引飛廉惡來

至壇下跪聽宣讀勅命但見二魂俯伏壇下悽切不勝子牙曰今奉

太上元始勅命爾飛廉惡來生前甘心奸佞簧惑主聰敗國亡君偷生苟免只知盜寶以榮身孰意法網無疎漏既正明刑當有幽錄此皆爾自受之愆亦是運逢之劫特勅封爾為冰消瓦解之神雖為惡煞爾宜克修厥職毋得再肆兇鋒汝其欽此飛廉惡來聽罷封號叩首謝恩出壇而去子牙封罷神下壇率領百官回西岐有詩為証

詩曰

天理循環若轉車

有成有敗更無差

往來消長應堪笑

反覆興衰若可嗟

夏桀南巢風裏燭

商辛焚死浪中花

古今弔伐皆如此

惟有忠魂傍日斜

話說子牙回岐州進了都城入相府安息眾官俱回私宅一夕晚景已過次日早朝武王登殿真是有道天子朝儀自是不同所謂香霧橫空瑞烟縹緲旭日圍黃慶雲舒彩只聽得玉珮叮噹眾官袍袖舞清風蛇龍弄影四圍御帳迎曉日靜鞭三响整朝班文武嵩呼稱萬歲怎見得早朝美景後唐人有詩單道早朝好處有詩為証

詩曰



絳幘雞人報曉籌

尚衣方進翠雲裘

九天閭闔開宮殿

萬國衣冠拜冕旒

日色纔臨仙掌動

香烟欲傍袞龍浮

朝罷須裁五色詔

珮聲歸到鳳池頭

話說武王陞殿只見當駕官傳旨有事出班啟奏無事捲  
簾朝散言還未畢班部中有姜子牙出班上殿俯伏稱臣  
武王曰相父有何奏章見朕子牙奏曰老臣昨日奉師命  
將忠臣良將與不道之仙奸佞之輩俱依劫運遵王勅一  
一封定神位皆各分執掌受享禮祀護國祐民掌風調雨  
順之權職福善禍淫之柄自今以往永保澄清無復勞陞

下宸慮但天下諸侯與隨行征戰功臣名山洞府門人曾  
親冒矢石俱有血戰之功今天下底定宜分茅列土封之  
以爵祿使子孫世食其土以昭崇德報功之義其親王子  
孫亦當封樹籓屏以壯王室昔上古三皇五帝之後亦宜  
分封土地以報其立極之功此皆陛下首先之務當亟行  
之不可一刻緩者武王曰朕有此心久矣只因相父封神  
未竣故少作之耳今相父既回一聽相父行之武王方纔  
言罷只見李靖楊戩等出班奏曰臣等原係山谷野人奉  
師法旨下山克襄劫運截定禍亂今已太平臣等理宜歸  
山以覆師命凡紅塵富貴功名爵祿亦非臣等所甘心者

也。今日特陛辭皇上。望陛下勅臣等歸山。真莫大之洪恩也。武王曰。朕蒙卿等旋乾轉坤之力。浴日補天之才。戡禍亂于永清。闢宇宙而再明。其有功于社稷。生民真無涯際。雖家禮尸祀。尚不足以報其勞。豈驟捨朕而歸山也。朕何忍焉。李靖等曰。陛下仁恩厚德。臣等沐之久矣。但臣等恬淡性成。山野素志。況師命難以抗違。天心豈敢故逆。乞陛下憐而赦之。臣等不勝幸甚。武王見李靖等堅執要去。不肯少留。不勝傷感。乃曰。昔日從朕始事征伐之時。其忠臣義士雲屯雨集。不意中道有死于王事。沒于征戰者。不知凡幾。今僅存者甚。是殘落朕已不勝今昔之感。今卿等方

際太平。當與朕共享康寧之福。卿等又堅請歸山。朕欲強留。恐違素志。今勉從卿請。心甚戚然。俟明日朕率百官親至南郊。餞別。少盡數年從事之情。李靖等謝恩。平身。眾官無不悽惻。子牙聽得。七人告辭歸山。也不勝慄戚。俱各朝散。一宿晚景不題。次日光祿寺典膳官預先至南郊。整治下九龍飾席。一色齊備。只見眾文武百官與李靖等先至南郊。候駕。惟姜子牙在朝內。伺候武王御駕。同行話說武王陞殿。傳旨排鑾輿出城。子牙隨後。一路上香烟載道。端彩繽紛。士民歡悅。俱來看天子與眾人仙餞別。真是烘動一城居民。齊集郊外。只見武王來至南郊。眾文武百官上

前接駕畢。李靖等復上前叩謝曰。臣等有何德能。敢勞陛下御駕親臨。賜宴使臣等不勝感激。武王用手挽住慰之曰。今日卿等歸山。乃方外神仙。朕與卿已無君臣之屬。卿等幸毋過謙。今日當痛飲盡醉。使朕不知卿之去方可耳。不然朕心何以爲情哉。李靖等頓首稱謝不已。須臾當駕官報酒已齊備。武王命左右奏樂。各官俱依次就位。武王上坐。只見簫韶迭奏。君臣懽飲。把盞輪盃。真是暢快。說甚麼庖鳳烹龍。味窮水陸。君臣飲罷多時。只見李靖等出席謝宴告辭。武王亦起身執手再三勸慰。又飲數盃。李靖等苦苦告別。武王知不可留。不覺淚下。李靖等慰之曰。陛下

當善保天和。則臣等不勝慶幸。俟他日再圖相晤也。武王不得已。方肯放行李靖等拜別。武王及文武百官。子牙不忍分離。又送了一程。各洒淚而別。後來李靖、金吒、木吒、哪吒、楊戩、韋護、雷震子。此七人俱是肉身成聖。後人有詩讚之。

詩曰。

別駕歸山避世羈。

別將丹竈自焚燒。

修成羽翼超三界。

煉就陰陽越九霄。

兩耳怕聞金紫貴。

一身離却是非朝。

逍遙不問人間事。

任爾蒼桑化海潮。

話說子牙別了李靖等七人。率領從者進西岐城。回相府。至次日早朝。武王陞殿。姜子牙與周公旦出班奏曰。昨蒙陛下賜李靖等歸山。得遂他修行之願。臣等不勝欣幸。但有功之臣。當分茅土者。乞陛下速賜施行。以慰臣下之望。武王曰。昨七臣歸山。朕心甚是不忍。今所有分封儀制。一如相父御弟所議施行。子牙與周公旦謝恩出殿。條議分封儀注。併位次。上請武王裁定。次日武王登寶座。命御弟周公旦于金殿上唱名策封。先追王祖考。自太王王季文王皆為天子。其餘功臣。由先朝帝王後裔。俱列等為五等。公侯伯子男。其不及五等者。為附庸。條序已畢。周公方纔

唱名

列侯分封國號名諱

魯

姬姓侯爵。係周文王第四子。周姬公旦佐文王武王。成王有大勳勞於天下。後成王命為大宰。食邑扶風雍縣。東北之周城號宰。周公留相天子。王自陝以東之諸侯。乃封其長子伯禽於曲阜。地方七百里。分以寶石大弓。而俾侯於魯。以輔周室。

齊

姜姓侯爵。係炎帝裔孫伯益為四岳。佐禹平水土。有功。賜姓曰姜氏。曰謂之呂侯。其國在南陽宛縣之西。商末太公呂望起自渭水。為周文武師。號為師。

尚父。佐文武定天下。有大功。封營丘。為齊侯。列於五侯九伯之上。即今山東青州府是也。

〔燕〕

姬姓伯爵。係周同姓功臣。曰君奭。佐文武定天下。有大功。為周太保。食邑於召。於之召康。留相天子。王自陝以西之諸侯。乃封其子為北燕伯。其地乃幽州薊縣是也。

〔魏〕

姬姓伯爵。係周同姓功臣。曰畢公高。佐文武定天下。有大功。封鎮魏國。即今河南開封府高密縣是也。姬姓侯爵。係武王弟。曰姬叔鮮。以監武庚。封于管。即今河南信陽縣是也。

〔管〕

〔蔡〕

姬姓侯爵。係武王弟。曰姬叔度。以監武庚。封于蔡。即今河南汝寧府上蔡縣是也。

〔曹〕

姬姓伯爵。係武王弟。曰姬叔振鐸。武王克商。封于曹。即今濟陰定陶縣是也。

〔邾〕

姬姓伯爵。係武王弟。曰姬叔武。武王克商。封于邾。即今山東兗州府汶上縣是也。

〔霍〕

姬姓伯爵。係武王弟。曰姬叔處。武王克商。封于霍。即今山西平陽府是也。

〔衛〕

姬姓侯爵。係武王同母少弟。封為大司寇。食采於康。謂之康叔。封於衛。即今北京冀州是也。

〔滕〕

姬姓侯爵。係武王弟曰姬叔繡。武王克商封于滕。卽今山東丘縣是也。

〔晉〕

姬姓侯爵。係武王少子曰康叔虞。封于唐。後改爲晉。卽今山西平陽府絳縣東翼城是也。

〔吳〕

姬姓子爵。係周太王長子泰伯之後。武王克商遂封之爲吳。卽今之吳郡是也。

〔虞〕

姬姓公爵。係周太王子仲雍之後。武王克商求泰伯仲雍之後得章。已爲吳君。別封其地爲虞。在河東太陽縣是也。

〔虢〕

姬姓公爵。係王季子虢仲。文王弟也。仲與虢叔爲文

〔楚〕

王卿士勳在王室。藏於盟府。而文王友愛二弟。謂之二虢。武王克商封仲于弘農。陝縣東南之虢城。芊姓子爵。係顯帝之裔。曰鬻熊。爲周文武師。有勤勞于王家。封之于荆蠻。以子男之上居之。卽今丹陽南郡枝江縣是也。

〔許〕

姜姓男爵。係堯四岳伯夷之後。因先世有功。武王克商封其裔文叔于許。卽今之許州是也。

〔秦〕

嬴姓伯爵。係顯帝之裔。因先世有功。武王克商封其裔相翳于秦。卽今之陝西西安府是也。

〔莒〕

嬴姓子爵。係少昊之後。因先世有功。武王克商封其

後茲與期于宮城。即今之陽宮縣是也。

〔紀〕

姜姓侯爵。係太公之次子。武王念太公之功。分封于紀。即今東莞劇縣是也。

〔邾〕

曹姓子爵。係陸終第五子。晏安之後。武王克商。封其裔。曹。於邾。即今之山東鄒縣是也。

〔薛〕

任姓侯爵。黃帝之後。因世有功。武王克商。封其後。奚仲。于薛。即今山東沂州是也。

〔宋〕

子姓公爵。係商王帝乙之長庶子。微子啓。因紂王不道。微子抱祭器歸周。武王克商。封微子于宋。即今之睢陽縣是也。

〔杞〕

姒姓伯爵。係夏禹王之後。武王克商。求夏禹苗裔。得東樓公。封于杞。以奉禹祀。即今之開封府雍丘縣是也。

〔陳〕

媯姓侯爵。係帝舜之後。其裔孫闕父。相武王。陶正。能利器用。王實賴之。今以元女大姬下嫁其子滿。而封諸陳。使奉虞帝祀。其地在太皞之墟。即今之陳縣是也。

〔焦〕

伊耆姓侯爵。係神農之後。因先世之功。武王克商。封之於焦。即今之弘農陝縣是也。

〔薊〕

姬姓侯爵。係帝堯之裔。武王克商。求其後。封之于薊。

以奉唐帝之祀。卽今之北京順天府是也。

〔竈〕子姓乃殷賢臣曰箕子。亦商王之裔。因不肯臣事于

周武王。請見乃陳洪範九疇一篇而去之。遼東武

王卽其地以封之。至今乃其子孫卽朝鮮國是也。

其親王功臣帝王後裔共封有七十二國。今錄其最著者

其餘如越封于會稽。向封于譙國。凡封于汲郡。伯封于東

平。郟封于濟陰。鄧封于潁川。戎封于陳留。芮封于馮翊。極

封爲附庸。穀封于南陽。牟封于泰山。葛封于梁國。郟封爲

附庸。譚封于平陵。遂封于濟北。滑封于河南。鄆封于東平。

邢封于襄國。江封于汝南。冀封于皮縣。徐封于下邳。舒封

于廬江。弦封于弋陽。郟封于瑯琊。厲封于義陽。項封于汝

陰。英附于楚。申封于南陽。共封于汲。郟夷封于城陽等國。

不悉詳記。如南宮适。散宜生。閔天等。各分列等。士有差卽

與其日大耕筮宴慶賀功臣親王文武等官。又開庫藏將

金銀寶物悉分於諸侯人等。衆人俱各痛飲盡醉而散。次

日各上謝表。陛辭天子。各歸本國。後人有詩爲証。

詩曰

一舉戎衣定大周。

分茅列土賜諸侯。

三王漫道家天下。

全仗屏藩立遠謀。

話說衆人各領封勅。俱望本國。以赴職任。惟御弟周公旦。



名公奭在朝輔相王室武王乃謂周公曰鎬京爲天下之中真乃帝王之居于是命名公遷都于鎬京卽今陝西西安府咸陽縣是也武王謂師尚父年老不便在朝乃厚其賜賚錫以宮女黃金蜀錦鎮國寶器黃鉞白旄得專征伐爲諸侯之長令其之國以享安康之福次日子牙入朝拜謝賜賚陞辭之國武王乃率百官餞送于南郊子牙叩首謝恩曰臣蒙陛下賜令之國不得朝夕侍奉左右今日一別不知何日再覩天顏也言罷不勝傷感武王慰之曰朕因相父年邁多有勤勞于王室欲令相父之國以享安康之福不再勞相父在此朝夕勤劬耳子牙再三拜謝曰陛

下念臣至此臣將何以報陛下知遇之恩也其日君臣分別子牙拜送武王與百官進城子牙方纔就道往齊國而來太公至齊因思昔日下山至朝歌時深蒙宋異人百般恩義因王事多艱一向未曾圖報今天下大定不乘此時修候是忘恩負義之人耳乃遣一使臣齎黃金千斤錦衣王帛修書一封前往朝歌問候宋異人使臣離了齊國一路行來不覺一日來到朝歌其時宋異人夫婦已死止有兒子掌管家私反覺比往時更勝幾倍其日收了禮物修回書與來使至齊西覆了太公太公在齊治國有法使民以時不五越月而齊國大治後子牙薨公子竈嗣位至小

伯相管仲伯天下春秋籙之後三康公方爲田氏所滅此  
是後事亦不必表且說武王西巡長安武王垂拱而治海  
內清平萬民樂業天下熙熙俾皞皞帝之則真一戎衣而  
天下大定不遜堯舜之揖讓也後武王崩成王立周公輔  
相之譏定內難天下復覩太平自太公開基周公贊襄須  
成周家八百年基業然子牙周公之鴻功偉烈充塞乎天  
地之間矣後人有詩單讚子牙斬將封神開周家不世之  
基以美之

詩曰

聖王誕靈出先天

斬將封神今往愆

勅自崑崙承旨渥

名班冊籍江銓編

斗瘟雷火分前後

神鬼人仙任倒顛

自是修持憑造化

故教伐紂洗腥羶

又有詩讚周公輔相成王戡定內難爲開基首功而又有  
十亂以襄之

詩曰

天潢分派足承祧

繼述紆謨更自饒

豈獨簪纓資啟沃

還從劍履秩宗朝

和邦協佐能戡亂

典禮咸稱善補貂

總爲周家多福蔭

天生十亂始同調

總批

周室之分茅列土。首自親王十亂。以及諸臣。暴置星列。籓屏帝京。捍衛王室。可爲盡善盡美。所以周之享國久遠。良在是歟。

又批

封神一書。其說出來甚遠。事無可稽。情有可信。語云。生爲大柱國。死作闍羅王。是又因人而可決者。況忠臣義士。氣可貫虹。心可穿石。死後豈得冥冥無聞耶。然考其諸神名號。雖未必盡符其時。而窮之後世。又未見其人。其爲當日有是事。亦未可知。余因伯敬先生所家藏繕本。又詳爲考訂。其信與否者。咸聽之耳。

終

